

Das Dritte
Teil / Der vornembsten
Historien/des Buchs Josue vnd
der Richter / Gesprächs weise /
samt eines jeden gesprechs
fürken Inhalt.

Durch /
Petrum Garman / Eysenbur-
gensen / Pastor zu Nels-
sen vnd Wehlitz.

1 5 6 4.



Psalm. 113.

Wer ist wie der HERR vn-
ser Gott? der sich so hoch-gesetzt
hat / vnd auff das nidrige sitzt/
im Himmel vnd Erden. Der den
geringen auffhebet aus dem stau-
be / vnd erhebet den armen aus
dem kot / das er in setze neben die
Fürsten / etc.



Pol. 6. 11. 177 ad. 4



689 955

410

Dem Ehrnueh
sten vñ Gestrengen / Si
mon Kosen / Churfürstlicher
durchleuchtigkeit zu Sachsen /
Amptman zu Weissenfels /
meinem günstige Herz
ren vñnd Fürz
derern.

Gnad vñd fried von Gott/
durch Ihesum Christum vnsern
Emanuel / mit wündschung als
ler glückseligkeit / vñd einem frö
lichen neuen Jar.

Ehrnuehster vñd Ge
strenger Herr / Es hat
Solon ganz weislich vñd
wol geredt / als der gewis
lich selbst ein Adlich vñd
Eugenthafftig gemüth gehabt / vñnd
A ij aus

Vorrede.

aus der erfahrung gelernet/ was rechte
Adelheit sey / da er sagt / Non nasci
sed referi potius laus est nobilem.
Dadurch er so viel hat wollen lehren/
vnd sagen/

Das ist ein recht Adlich gemüth/
Welchs von Tugendt vñ erbarkeit
blüt/

Vnd nicht das von geburt vñ stam/
Allein Junckfr heist mit blossẽ nam.

Dis haben die Heiden gelobt/ ge-
rühmt / herrlich beschrieben / vnd mit
rechtem ernst dahin gestrebt/ wie man
von vielen liesset/ die auch leibsgefahr/
Adelheit/ oder einen ehrlichen Namen
zu vberkomen/ nicht gescheucht. Vnd
ist auch aller klugen Heiden/ kunst vnd
lehr gewesen / das Tugendt vnd Er-
barkeit / von inen gepflanket vnd ge-
bawet werden möchte / Daher solch
Tugendt vom Aristotele/ einem gelehr-
ten vnd klugen Heiden also gepreiset
wirdt/

Vorrede.

wirbt / das ein Adlich gemüth / dem
Morgenstern vergleicht / Du ist aber
solche Adelheit ganz ein arme gerino
ge Tugend / sintemal / solche des erkend
nis Gottes vnd heiligen Geistes man
gelt / weil sie aber so hoch gepreiset / vnd
billich / wie viel mehr sol solche Adelo
heit / so mit erkendnis Gottes / vnd dem
heiligen Geist gezieret / erhoben / ge
preiset vnd gerühmet werden / welche
denn auch vom heiligen Geist / in heis
liger Göttlicher Schrift / herrlich ge
lobt wirdt / Als der lieben / thewren
Helden vnd Fürsten Josue / Gideons
vnd Simsons / der drey wil ich allein
gedencken / als derer Historien / ich
sekund vornemlich inn Gespräch ver
fasset / vnd der andern aller geschweis
gen.

Denn last vns sehen / woher ha
ben solche ire Adelheit vnd warumb
werden sie vom heiligen Geist / in der

Vorrede.

heiligen Schrifte / als ein Spiegel
allen denen / so Adeliche gemüth / lie-
ben / vnd darnach streben sollen / vor-
gestellt / denn eben darumb / nicht das
man sehe / wie sie von geburt vnd stam
Edel / sondern wie sie durch ire Gott-
seligkeit / Manheit vnd Tugendt edel
worden seind / Damit man an inen
als an Exempeln sehen vnd lernen solt
das dis nicht recht Adel sey / das man
von stam vnd geburt (welchs ich doch
nicht tadel) geboren sey / Edel / vnd doch
inn solchen fein adliche Ader noch
Blutstropff zu findē / sondern so man
Edel vñ geburt / das man solche durch
Adliche Tugend vnd werck ziere / oder
ob man von stam vnd geburt gering /
das man nach Adelheit strebe vnd tra-
chte.

Denn geht es doch sonsten mit
andern dingen also / das eins nicht
besser denn das ander sein kan / es sey
denn / das es der Tugendt halb jenes
xbero

Vorrede.

übertrefse/ vnd des ich ein grob Exempel gebe. Ein Füllen das von seiner Mutter geborn / wirdt gleich so ein Pferd wie sein Mutter/ ist vnd bleibet auch also/ das es in Pflug vnd geschir gewehnet / vnd ein gemein Pferd genannt wirdt / Aber so man das Füllen gewehnet/ zum springen/ rennen/ tornieren vnd andern / so ist es zwar ein Pferd / aber doch edler / lieber vnd werder/ denn seine Mutter/ seiner Tugend wegen / welchs nicht im Pfluge bleiben mus / sondern Fürsten vnd Herrn tragen / Geht es nu also mit den vnuornünfftigen Thieren/ als mit Pferden/ Hunden/ vnd Vögeln / wie viel mehr mit den Menschen.

Darumb dis warlich heutigs tags kein Adelheit ist / wie freylich ihr viel meinen/ die von Vater vnd Mutter edel geborn/ vñ also wie sie geborn/ auffgezogen werde/ ohn Gottes furcht/

A iiii

Gottes

Vorrede.

Gottseligkeit vnnnd kunst / das sie hero
nach wider erkentnis Gottes / wissen
noch lernen / wider künsten noch sprach
en nach trachten / welchs doch zu dies
ser zeit / gar ein herrlich vnd gros ding
geacht wirdt / wo ein geborner vom
Adel / vor Fürsten vnd Herrn / ein lao
teinische Oracion thun kan / also das
solche ganz hoch geehret vnd gehalten
werden / wie billich / vnd jr doch we
nig dahin streben / Ja wider land / leut
noch sitten wissen vnd können / wider
Manheit noch redligkeit / in ehrlichen
vnd billichen Kriegen beweisen / Sono
dern allein / wenn sie hinder den Dhe
ren trucken worden / zettichte Hosen
antragen / ein Knebelspiel auff dem
Halse haben / Bawren plagen / Gott
im Himmel schenden sein Wunden /
Sacrament vnd todt lestern / Krieger
sein / in Bier vnd Wein / Helden in
schand / vnzucht vnnnd allen lastern /
Spisfindige vnd gescheide / in steiges
rung

Vorrede.

zung des lehn geldes vnd Wucher zu
treiben / vnd ire Manheit damit wol-
len beweist haben / wenn sie arme Leute
ermürgen / ermorden / erschießen vnd
erstechen sollen / welchs auch die gifti-
gen Basilisken / vnd die Scorpion /
Schlangen / Kröten / vnd andere böse
Wurm thun können / Das nu dis kein
Adalheit sein kan / müssen alle ehrlic-
bende / vernünfftige Leute sagen vnd
bekennen / vnd wenn sie auch zehnmal
edel geboren.

Dagegen aber / das der recht Edel
sey / ob er gleich von geringen vnd vns
ansehnlichen armen leuten geboren ist /
(so Adalich handelt) das bezeugē nicht
allein die Heiden / sondern auch der
heilige Geist in Göttlicher Schrift /
der nennet vnd erzelt viel Adelige
dapffere Helden / als Josuam 2^e. Si-
he / wer ist Josue Vater ? die Schrift
sagt zwar / Er sey vom stam Ephraim /

A v

aber

Vorrede.

aber gar weit hernach erst vom Nun
seinem Vater geborn / das man nicht
wissen kan / was standes oder wirdens
er gewesen / Aber vmb seiner Gottse-
ligkeit / verstand / weisheit / standhaff-
tigkeit vnd grossen muths / wird er so
Edel vnd berühmet / das auch der heis-
lige Geist / sein Adelheit vnd Man-
liche thaten preiset.

Also / wer war Gideon ? Er war
ein Son der Esriter / vermar keins
Grassen noch Edelmans Son / denn
es stehet geschriben von ihm / das er
Weizen gedroschen habe / an der Kels-
ter / Aber was er für ein twer / Gottes-
seliger / kluger vnd dappfer Heldt ge-
west / zeigt seine Historia.

Desgleichen / wer war Simson ?
Sein Vater spricht die Schrifft / ist
gewesen / aus dem aeschlecht der Do-
niter / mit namen Manoah / von wels-
chem

Vorrede.

chem geschrieben sthet/ das er damals
vnd ernach/ da der Engel seinem weis
be/die vnfruchtbar war/ verkündigte/
sie solte schwanger werden / auff dem
Felde gewesen / dadurch ohn zweiffel
des lieben Simsons Eltern / armuth
vnd geringigkeit angezeigt wirdt / die
im Felde/mit grosser arbeit/ als from
me arme Leutlin / sich haben ernehren
müssen / Aber was für ein thewrer
Junker vñ Edelman wirdt sein Son
Simson/ des lob vnd Manheit / vom
heiligen Geist/ in einer langen Histo
rien beschriben wirdt.

Vnd also geschicht es noch heu
tigs tages / vnd sehens für Augen / es
sey war / wie der Königliche Prophet
Dauid/aus erfahrung / vñ mit sei
nem eignen Exempel / als den Gott
auch aus den schaffstellen genommen/
vnd zu einem Könige gemacht/ bezeug
et / da er im 113. Psalm also spricht/
Wer

Vorrede.

Wer ist wie der HErr vnser Gott?
der sich so hoch gesetzt hat / vnnnd auff
das Nidrige sihet / im Himmel vnd Er-
den / der den geringen auff hebet / aus
dem staube / vnnnd erhebet den armen
aus dem kot / das er ihn setze neben die
Fürsten / ja neben die Fürsten seines
volcks / das sag ich geschicht noch / denn
manches armen Mannes Son / wird
seines verstandes / weisheit / vnd Gottes
seligkeit halben / neben die Fürsten ge-
setzt / das sich hernach andere / die wol
des stams vnd der geburt halben höher
sein köndten / dennoch vnter inen sein
vnd sich für inen neigen / bücken vnd
düncken müssen. Es thut wol offft weh /
vnd macht mehr denn eins schele Aus-
gen / wenn die Scharhansen sehen
müssen / das frommer armer Leute
Kinder / die doch / wie sie sich düncken
lassen / an Adel vnd geblüet inen nir-
gend gleich / dennoch inen irer tugende
halben / fürgezogen werden sollen /
Aber

Vorrede.

Aber es heist vnd bleibe dabey / was
Gott empor haben wil / kan niemand
zu grund ziehen.

Dieweil denn der Allmechtige
Gott/ Ewer gestreng. Adelichen ge-
zieret vnd erhoben/vnd aber bey vielen
gemein ist/wie man sagt/ horres mor-
res / das inen der muth schwillet vnd
auffleufft / dadurch sie denn selbst vrs-
sach geben zu irer degradation (singe
Maria) resistit superbis, vnd kan
hoffart nicht leiden / da sie doch durch
demuth vnd Gottes furcht/ iren stand/
ehr vnd dignitet / je mehr vnnnd mehr
bessern köndten / So soll E. G. Gott
sonderlich danckbar sein / das der gnes-
dige Gott nebe der Adelheit E. G. mit
der höchstē tugendt der demuth begnas-
det hat / darin derselbe / der es in euch
angefangen/ gnediglich vollendē wol-
le/ dazu denn viel fördert/ das man in
der heiligen Schrifft/Gottsfürchtiger/
Adlicher

Vorrede.

Edlicher Exempel im gemein mache
vnd fürbilde / als denn auch solcher Ex-
empel viel sind im Buch Josue / vnd
der Richter / die ihm ein Christlicher
vnd Gottseliger Amptman / in viel
wegen nützlichen anwenden / vnd da-
durch / so er solchen Exempeln folgt /
ihm einen vnsterblichen Namen ma-
chen kan.

Solche Historien / habe ich mit
kurz in Gespräch verfasst / vnd vnter
E. G. Namen in druck geben / nicht
das E. G. hierin meines dienstes be-
dürffte / sondern darumb hab vnter
E. G. Namen vnd Tittel / ich dis
Büchlein vnter die Leute sprengen
wollen / Erstlich / weil ich meine danck-
barkeit / seziger zeit / gegen E. G. von
wegen derselben gunst vnd förderung
mir bezeugt / nicht besser hab bezeigen
können / das doch E. G. den geneig-
ten vñ danckbarn willen spüren möge.
Zum

Vorrede.

Zum andern / das andere an E. G.
ein Exempel nemen möchten / sich zu
erwecken vnd zu trachten / nach Zus
gendt / kunst vnd erbarkeit / damit sie
auch vnssterblichen Namen bekommen
möchten / Solche meine arme geringe
vnd doch wolmeinende danckbarkeit /
woltten E. G. günstiglich nicht nach
dem wert / sondern nach dem willen
auffnehmen vnd erkennen. Befehl
hiermit E. G. in die gnad vnd schutz
des allerhöchsten / mit wündschung /
eines frölichen / glückseligen Newen
Jars. Geben am tage der frölichen
Menschwerdung / vnd geburt vns
fers lieben H E R R E N
Jhesu Christi / des
1564. Jars.

E. G.

dienswilliger

Petrus Garman / Pas
stor zu Melssen vnd
Behlik.

Handwritten text, likely bleed-through from the reverse side of the page. The text is arranged in approximately 15 lines, though the characters are extremely faint and difficult to decipher. Some words appear to be "Every", "that", and "the".

Handwritten text at the bottom of the page, possibly a signature or a concluding note. It is also very faint and mostly illegible.

Die fürnem-
sten Historiē des Buchs
Josue/ in Gespräch verfasst/
vnd eines jeden Gesprächs/
Argument vnnnd
Inhalte.

Das erste Gespräch/ aus
dem ersten Capittel.

Inhalt.

Nach Moise todt/ wird Josue von Gott zu einem Hauptman des volcks Israels beruffen/ ermanet vnd getröstet/ das er einē grossen muth fassen wolle/ Er wolle sich nicht verlassen / noch von ihm weichen/ so ferne er nur das geschehe des HErrn nicht von seinem Munde komen lasse. Daraus ein jede Obrigkeit lernen
B kan

han/ wie sie es anfahren / so es ir glück-
lich gehn soll / Nemlich/ Gottes wort
folgen / vnnnd das gesehe des HErrn
nimmer von jm komen lassen/ darumb
alles vnglück folgen mus / wo Dörig-
keit Gottes wort verfolgen vnd nicht
leiden wil.

Person dieses Gesprächs.

Gott. Rubeniter. Josua.
Gadditer. Manasse.

DER. Josua / Josua.
Josua. HErr / hie bin ich.
Gott. Moises mein Knecht
ist gestorbe/ so mache dich nu auff/ vnd
zeuch vber diesen Jordan / du vnd dis
ganke volck / in das Land/ das ich inen
den Kindern Israel gegeben habe / al-
le stadt/ darauff ewre fussolen treten
werden/ hab ich euch gegeben / wie ich
Moise geredt habe / von der Wüsten
an/ bis an das grosse Meer/ solien ewre
grenze

grenze sein/Es sol dir niemand wider
stehn dein lebenslang/wie ich mit Mo-
se gewesen bin / also wil ich mit dir
auch sein/ Ich wil dich nicht verlassen/
noch von dir weichen/ Sey getrost vñ
vnuerzagt/denn du solt diesem volck dz
Land austheilen/ das ich iren Vetern
geschworen habe / das ichs jnen geben
wolt/ Sey nur getrost vnd freidig/das
du haltest vnd thust / aller ding nach
dem gesetz/das dir Moise mein Knecht
gebotten hat/ weiche nicht dauon/ wis-
der zur rechten noch zur lincken / auff
das du weislich handeln mögst / in
allem was du thun solt / Vnd las das
Buch dieses gesetzes nicht von dei-
nem Munde komen/ sondern betrach-
te es tag vnd nacht/ auff das du haltest
vnd thust alle ding nach dem/das drin-
nen geschrieben steht / als denn wird
dir gelingen / inn allem das du thust/
vnd wirst weislich handeln können/
Siehe/ ich hab dir geboten / das du ge-
trost vnd freidig seist/ las dir nicht gra-
wen / vnd entsche dich nicht / denn der

2 ij

Herr



HErr ist mit dir inn allem was du
thun wirst. Josua. HErr / wie du
befohle / wil ich thun / Herbey jr Haupte
leute vnd höret / geht durch das Lager/
vnd gebietet dem Volck / das sie inen
vorrath schaffen / denn vber drey tage
werdet jr vber diesen Jordan gehen/
das jr hinein kommet / vnd das Land
einnemet / das euch der HErr ewer
Gott geben wird. Vnd jr Rubeniter/
Gadditer vnd der halbe stamm Ma-
nasse / der HErr ewer Gott / hat euch
zur ruhe bracht / vnd dis Land gegeben/
So lasset ewre Weiber / Kinder vnd
Viehe im Lande bleiben / jr aber was
streitbar Menner sind / solt für ewren
Brüdern gerüst herziehen / vnd inen
helffen / bis der HErr ewre Brüder
auch zu ruge bringet / wie euch / das sie
auch einnemen das Land / das inen der
HErr ewer Gott geben wird / als denn
solt jr wider umbkeren in ewer Land/
das euch Mose eingeben hat. Ruben-
niter / Gadditer / Manasse. Alles was
du vns geboten hast / das wollen wir
thun /

thun / vnd wo du vns hinsendest / da
wollen wir hingehen / wie wir Mose
gehorsam gewesen sind / so wollen wir
dir auch gehorsam sein / allein das der
Herr dein Gott nur mit dir sey / wie
er mit Mose war / wer deinem Mund
vngehorsam ist / vñ nicht gehorchet dei
nen Worten / in allem das du vns ge
beuest / der sol sterben / Sey nur ges
trost vnd vnuerzagt.

Das ander Gespräch / aus dem 2. Capit.

Inhalt.

Christus sagt / das alle ding /
dem der da gleubt / möglich sey /
des habē wir hierin ein schön Ex
empel / an der Rahab / die gleubet / das
die Kinder Israel würden das Land
der Heyden einemen / weil Gott mit
so grossen wundern vber inen hielte /

B iij

zum

zum zeichen ihres glaubens / verbirge
sie die kundschaffer / dadurch sie sich/
vnd ihres Vaters Haus erheit / dage-
gen die andern vngleubigen inn der
Stadt alle vmbbracht werden. Es
kan auch hieaus eine feine Hauslehre
genommen werden / Nemlichen / das
die glaubigē Hausueter/in ihrer Haus-
haltung Gottes / segnen sollen haben/
vnd behalten/vnd dagegen die vngleu-
bigen Gottes fluch inen zu ziehen.

Josua / Kundschaffer / König zu Jericho / Rahab.

Josua. Ir zween/ geht aus/ beset-
het das Landt Jericho. Kundschaf-
fer. Wir gehen/mein Gesel/ wo feren
wir hin zu herbergen / wir wollen bey
dieser Huren Rahab einzichen. Kö-
nig. Gehe hin zu Rahab / vnd sage jr/
das sie die Menner heraus gebe/die zu
ir kommen sind/ denn ich höre / das sie
Kundschaffer sein des Landes. Rahab.
Es

Es sind ja Menner zu mir herein kommen / aber ich wusse nicht von wannen sie waren / vnd da man die Thor wolt zuschliessen / da es finster war / giengen sie hinaus / das ich nicht weis / wo sie hingangē sind / jaget inen eilend nach / denn jr werdet sie ergreifen. Kundschaffer. Ach liebe Rahab / thu an vns die barmhertzigkeit / das wir vns hie rin verstecken mögen. Rahab. Steiget auff das Dach / da wil ich euch vnter den Flachsstengeln verdecken / wels chen ich auff dem Dach ausgebreitet. Kundschaffer. Wo kamen diese hin / die nach vns fragten? Rahab. Sie sagen euch nach / auff dem wege zum Jordan / vnd die Thor sind nach inen verschlossen / Vnd nu ich weis / das euch der HErr das Land gegeben hat / denn ein schrecken ist vber vns gefallen für euch / vnd alle Einwoner des land den sind für euch feig worden / Denn wir haben gehört / was der HErr für wunder an euch in Egypten gethan / vnd was jr den zweien Königen / der

Amoriter Sihon vñ Og/jenseid dem
Jordan gethan / wie jr sie verbanneet
habt / Vnd sind wir solchs gehört ha-
ben ist vnser herꝛ verzagt / vnd ist kein
muth mehr in jemandes für ewer zu-
kunfft / denn der HErr ewer Gott / ist
ein Gott / beide oben im Himmel / vnd
vnten auff Erden / So schweret nu
mir bey dem HErrn / das / weil ich
an euch Barmhertzigkeit gethan hab /
das jr auch an meines Vaters Haus
Barmhertzigkeit thut / vnd gebt mir
ein gewis zeichen / das ihr leben lasset
meinen Vater / meine Mutter / meine
Brüder vnd meine Schwester / vnd
alles was sie haben / vnd errettet vnser
Seelen von dem tode. Kundschafter.
Thun wir nicht Barmhertzigkeit vnd
reue an dir / wenn vns der HErr das
Land gibt / so sol vnser Seele für euch
des todes sein / so fern du vnser Ge-
schöpff nicht vorrettest. Rahab. Esi-
let / das ich euch auff dem seule durchs
Fenster ernider lasse / zur Mauren
hinaus / vnnd geht auff das Gebirge /
das

das euch nicht begeben / die euch nach
jagen / vnnnd verberget euch daselbs
drey tage/ bis das die widerkomen/ die
euch nach jagen / darnach geht ewre
strasse. Kundschaffer. Ja / wir wolo-
ken aber des eids loss sein / den du von
vns genommen hast / wenn wir komen
ins Land/ vnd du nicht dis rote seil/ in
das Fenster knüpfpest / damit du vns
ernider gelassen hast / Vnd zu dir ins
Haus versamlest deinen Vater / deis-
ne Mutter/ deine Brüder/ vnd deines
Vaters gankes haus / vnnnd wer zur
Thür deines Hauses eraus gehet / des
Blut sey auff seinem Heupt / vnd wir
vnschuldig / Aber aller die in deinem
Hause sind/ so eine hand an sie geleyet
wird / so sol ir Blut auff vnserm heupt
sein / Vnd so du was von diesen vns-
ern gescheyten sagen wirst / so wollen
wir des Eids loss sein/ den du von vns
genommen hast. Rahab. Es sey wie
ir gesagt / geht hin / vnd sehet dis rote
Seil knüpfpe ich ins fenster.

B v

Das

Das dritte Gespräch/ aus dem 2. vnd 3. Cap.

Inhalt.

Dulius sagt / So Gott
für vns ist / was mag wieder
vns sein / das sehen wir in die-
ser Historia / das gewislich nichts kan
untertrucken / hindern noch auffhalten
was Gott wil erfür gebracht haben /
ja auch die Creaturen müssen ire arth
verlieren / vnd denen / so Gott trawen /
dienen vnd weichen / wie wir sehen /
das der Jordan wider seine arth still
stehen mus. Es ist aber hierin eine
schöne Geisliche deutung / die Archa
ist das heilige Predigampt / darin wird
vns Christus fürgetragen / so wir der-
selben folgen / gehen wir auff der rech-
ten Ban / vnd mus der Jordan / das
ist / das armselige leben auffhören / vnd
das land Canaan / das ist / das ewige
leben

leben nahe sein vnd offen stehen / da
sonst / wo Christus nicht vns vorgienge
vnd wir denselben folgen / der Jordan /
das ist / die Welt sampt dem Teuffel /
Sünde / vnd alles vnglück vns ero
seuffte.

**Gott. Hauptleute. Josua.
Kundschafter. Is
raeliter.**

Kundschafter. Mein Gesell / es
sind nu drey tage für vber / das wir vns
hier auff diesem Gebirge erhalten ha
ben / wir wollen nu widerkeren / vnd
vberfahren / das wir zu Josua komen /
vnd jm erzelen / wie es vns ergangen
hat. Josua. Was bringet ihr guts
newes. Kundschafter. Alles guts /
der Herr hat vns alles Land in vnser
hende gegeben / auch so seind alle Eino
woner des Landes feig für vns. Josua.
Wolan / so sey morgen gank Israel
frühe auff / vnd laß vns ziehen aus Sit
tim!

tim / das wir komen an den Jordan/
vnd jr Heuptleute ordnet es / wie ich
euch befohlen. Heuptleut. Also jhr
Kinder Israel / wenn jr sehen werdet /
die lade des bundes / des HErrn ewres
Gottes / vnd die Priester aus den Leui-
ten sie tragen / So ziehet aus von ew-
rem orth vnd folget jr nach / doch das
zwischen ihn vnd euch raum sey / bey
2000. ellen / jhr sollet nicht zu jhr na-
hen / auff das jr wisset / auff welchem
wege jhr gehn sollet / denn jhr seid den
weg vor nicht gegangen. Josua. Lie-
bes volck / heiliget euch / denn morgen
wird der HErr ein wunder vnter euch
thū / vnd jr Priester traget die lade des
Bundes / vnd geht für dem volck her.
Gott. Höre Josua / heute wil ich an-
fahen / dich gros zu machen / für dem
ganken Israel / das sie wissen / wie ich
mit Mose gewesen bin / also auch mit
dir sey / vnd gebeut du den Priestern /
die die Lade des Bundes tragen / vnd
sprich / wenn jr komt for in das Wasser
des Jordans / so stehet stille. Josua.
Erzu

Erzu jr Kinder Israel / vnd höret die
wort des HErrn ewrs Gottes / dabey
solt jr merckē / das ein lebendiger Gott
vnter euch ist / vnd das er für euch aus-
treiben wird / die Cananiter / Hethiter /
Heuiter / Pheresiter / Bergositer / A-
moriter vñ Jebusiter / Sihe / die Lade
des Bundes / des Herschers vber alle
Welt / wird für euch hergehen in den
Jordan. So nemet nu zwölff Men-
ner aus den stemmen Israel / aus seg-
lichem stam einen / weñ denn die Fusse
solen der Priester / die des HErrn lade
des herschers vber alle Welt tragen /
in des Jordans wasser sich lassen / so
wird sich das Wasser / das von oben
erab fleist / im Jordan abreißen / das
vber einen hauffen stehn bleibe. Iso-
raeliter. Wir wollen folgen / vnd sihe /
der Jordan ist voll an allen seinen vfo-
fern / vnd gegen dem Salkmeer / vnd
verlaufft sich schnell / vnd nimpt ab /
vnd steht vber einem hauffen auffge-
richt / Vnd die Priester gehen hinein
vnd stehen drucken mitten im Jordan /
wir wollen jnen folgen. Das

Das vierde Gespräch/ aus dem 4. Capit.

Inhalt.

DER Psalm sagt / Ruff
mich an in der noth/ so wil ich
dich erretten/ vnd du solt mich
preisen / darin wir beides hören vnnnd
lernen sollē/ wie wir vns in der noth/ so
wir gar hilflos sein/ Gott anzuruffen/
schicken sollen/ vnd darnach/ wenn vns
geholffen / danckbar sein sollen / Also
stehet die Historia vns zum Exempel/
daraus wir solchem rath vnd lehre fol-
gen mögē/ auff das wir ja Gottes wun-
der vnd wolthat nit vergessen/ sondern
dauon den Kindern vnd Jungen sa-
gen / damit alle Menschen zu solchem
gnedigen vnd allmechtigen Gott zu-
flucht haben / vnd bey jm hülffe finden
mögen.

Gott.

Gott. Israel. Josua. Hauptleute.

Gott. Josua / nim zwölff Männer / aus jeglichem Stam einen / vnd gebeut ihnen / das sie zwölff steine aus dem Jordan auffheben / von dem orth da die füsse der priester stehen / vñ bringet sie mit euch hinüber / dz jr sie in der Herberge lasset / da ihr diese nacht herbergen werdet. Josua. Ir zwölff verordnete Männer aus Israel / Gehet hinüber für der Lade des HErrn ewres Gottes / mitten im Jordan / vnd hebe ein jeglicher einen stein auff seine Achseln / nach der zal der steine der Kinder Israel / das sie ein zeichen sein vnter euch / Wenn ewre Kinder hernachmals ire Väter fragen werden / vñ sprechen / was thun diese steine da / das jr denn ihnen sagt / wie das Wasser des Jordans abgerissen sey / für der Lade des Bunds des HErrn / da sie durch den Jordan giengen / das die steine den Kindern Israel ein ewig gedencknis
nis

nis sein. Israeliter. wir wollen thun/
wie Josua beuohlen hat/ vnd diese stei-
ne mit vns in die Herberge bringen/
vnd daselbst lassen. Josua. Ir Prieo-
ster/ stehet im Jordan stille/ bis das ich
diese zwölff steine mitten im Jordan/
da ewre füsse gestanden sein / auffrich-
te / das sie stehen zum ewigen gedecht-
nis / Nu eilet vnnd gehet hinüber.
Hauptleute. Ir Rubeniter/ Gad-
diter/ vnd der halbe stam Manasse / welcher
an der zal 40000. gerüster Man / ge-
het auff die lade des HErrn / die für
euch hinget zū streit auff dem gefilde
Jericho. Josua. Nu stehe Israel/ nach
dem die füsse der Priester aus dem
Jordan heraus steigen auff's trocken/
kompt das Wasser des Jordans wi-
der an seine stadt / vnd fleisset wie vora-
hin an allen seinen vffern / Vnd diese
zwölff steine richtet hie auff zu Gilgal/
vnd wenn ewre Kinder hernachmals
ire Väter fragen werden / vnd sagen/
was sollen diese Steine / So solt irs
vnen kund thun vnd sage/ Israel gieng
trocken

trocken durch den Jordan / da der
HErr ewer Gott/das wasser des Jor-
dans vertrocknete für euch / bis jr hin
über ginet. Gleich wie der HErr
ewer Gott thet in dem Schilffmehrl/
das er für vns vertrocknete / bis wir
hindurch gingen / auff das alle völkler
auff Erden / die hand des HErrn er-
kennen/wie mechtig sie ist / das jr den
HErrn ewrn Gott fürchtet allezeit.

Das fünffte Gespräch/ aus dem 5. Capitel.

Inhalt.

Nter andern straffen / so
Moses drowet/denen/so nicht
halten / alles was der HErr
gebotten hat / Deut. 28. Erzelet er
auch diese/das die Gottlosen sollen ein-
behend hertz haben / furchtsam vnd er-
schrocken sein. Dis sehen wir als inn
C einem

einem Exempel / an denen von Jericho / vnd andern Heiden / die zittern vnd leben für dē Kindern Israel / denn sie sehen aus den grossen wunderwerken / da der Jordan austrocknet / das Gott ob Israel halte. Dagegen ist solch wunder Israel ganz tröstlich / denn daraus können sie tröstlich schliefen / das Gott vber jnen halten wolle. Sonderlich aber ist das dem lieben Josua tröstlich / seinem beruff vnd stand desto freidiger nachzukomen / da im der Engel erscheinet.

Gott. Israel. Engel. Könige der Amoriter vnd Gana.

Könige. Was sollen wir thun / es komen vns solche gesse ins Land / das vns vnser herck verzagt wird / vnd kein muth mehr in vns ist / denn der HErr das Wasser des Jordans ausgetrocknet hat für Israel / das sie hierüber kommen sind. Gott. Josua / mache die steinern Messer vnd beschneid die Kinder
der

der Israel wider zum andernmal.
Josua. Höret ihr Kinder Israel des
HErrn befehl / alle Mansbilde / so
diese vierzig jar inn der Wüsten ge-
born vnd noch vorhant sind / die sollen
hie auff diesem Hügel Araloth bes-
chnitten werden. Israel. Alle vns-
ere Väter sind allhier inn der Wü-
sten vmbkommen / darumb das sie der
stim des HErrn nicht gehorcht habē /
wie denn der HErr inen geschworen
hatte / wir aber wollen der stimm des
HErrn gehorsam sein / das wir das
Land sehen mügen / darinn Milch
vnd Honig fleust. Josua. Allhier
in Gilgal da vnser Lager ist / auff dem
gefülde Jericho / last vns Passah hal-
ten / vnd vom getreide des Landes /
nemlich vngeseuret Brod vnd Sano-
gen essen. Israel. Wie vns Josua
gesagt / wollen wir thun / Vñ sihe / das
man höret auff des tages / da wir des
lands getreidich essen / das wir kein
Man mehr haben. Josua. Was ses-
he ich da für einen Man gegen Jeri-
cho

cho stehn/mit einem blossen Schwerd
in seiner Hand/ ich wil in ansprechen/
Gehörestu vns an oder vnser Feinde.
Engel. Nein / sondern ich bin ein
Fürst vber das Heer des HErrn/ vnd
bin jetzt komen. Israel. Sehet/was
thut Josua/ das er also mit seinem An
gesich auff die Erde fellet vnd anbetet.
Josua. Was sagt denn mein HErr
seinem Knecht. Engel. Zeug deinen
Schuch aus von deinen Füßen / denn
die Stadt darauff du stehest / ist heilig.
Josua. Ich wil thun was mein HErr
sagt.

Das sechste Gespräch/ aus dem 6. Capitel.

Inhalt.

David / der heilige Pro
phet sagt im 18. Psalm / Wie
dem HErrn kan ich Kriegsso
uolt

volck zuschmeissen / vnd mit meinem
Gott vber die Mauren springen / des
habē wir hierin ein tröstlich Exempel/
denn Josua mit dem volck Israel / die
stad Jericho gewinnen / dazu sie nichts
thun / wider Büchssen noch Wassen
brauchē / sondern gehn mit der Archen
vmb die Stadt / Einen solchen haro-
ten gang vnd tritt haben Kriegsleute /
so Gott zum Hauptman haben / das
dauon Mauren vmbfallen / vnd wider
Pulffer / Bley noch Büchsse bedürffē /
so helffen auch keine Festung / Pas-
seien / Schankkörbe noch anders / wo
nicht Gott vor eine Stadt wacht vnd
hüt / darumb verlas sich niemand auff
den fleischlichē arm / sondern auff den
allmechtigen Gott / vnd hūte sich vor
sünden / sonst wird Krieg / vnfall / vnd
aller jammer sie treffen wie Jericho.

Gott. Israel. Josua. Jericho.
Priester. Rundschafter.

E iij Jericho.

Jericho. Dich bin also verschlossen
vnd verwaret / das niemand aus
oder ein kommen kan / das ich wol für
Israel bleiben wil. Gott. Höre Josua
/ sihe da / ich habe Jericho sampt
irem Könige vnd Kriegsleuten in deine
hend gegeben / Las alle Kriegsmen-
ner rings vmb die Stadt her ein mal /
vnd thu sechs tage also / am siebenden
tage aber / las die Priester sieben Pos-
saunen des Haliars nemen für der Lad-
den her / vnnnd geh desselben siebenden
tages sieben mal vmb die Stadt / vnd
las die Priester die Possaunen blasen /
Vnnnd wenn man das Haliars horn
bleset vnd dönet / das jr die Possaunen
höret / so sol das ganze volck ein gros
feldgeschrey machen / so werden der
Stademauren umbfallen / vnd das
volck soll hinein fallen / stracks für sich.
Josua. Höret jr Priester / Traget die
Lade des Bundes / vnd sieben Priester
lasset sieben Haliars Possaunen tra-
gen / für der Lade des HERN / das an-
der volck aber dz gerüffet ist / zihe mit /
vnd

vnd gehe vmb die Stadt für der La-
den des HErrn her. Priester. Wir
gehn mit der Lade/ vnd mit den sieben
Haliars Pasaunen blasende. Josua.
Ihr aber vom volck solt kein feldges-
schrey machen / noch ewre stimme hö-
ren lassen / noch ein wort aus ewrem
munde geben / bis auff den tag / wenn
ich zu euch sagen werde / macht ein
feldgeschrey/so macht denn ein feldges-
schrey. Priester. Wir wollen thun/
wie Josua gesagt hat. Josua. Heut
ist der siebende tag / das wir vmb die
Stadt gegangen / macht euch nu früe
auff / vnd geht nach der vorigen weise
siebenmal vmb die Stadt / vnd wenn
ihr das siebendmal herumb geht / so
macht ein feldgeschrey/denn der HErr
hat euch die Stadt gegeben/Aber die-
se Stadt vnd alles was drinnen ist/
sol dem HErrn verbannet sein/ allein
die hure Rahab soll leben bleiben / vnd
alle die mit jr im Hause sein / denn sie
hat die Boten verborgen/die wir aus-
santten / allein hütet euch für dem vers-

banneten/das jr euch nicht verbannet/
so jhr des verbanneten etwas nemet/
vnd macht das Lager Israel verban-
net/vnd brengets in vnglück/ Aber als
les Silber vnd Goldt / sampt den chro-
nen vnd eisern gerete / soll dem H^Ero-
ren geheiligt sein/ das zu des H^Errn
schas komme. Priester. Nu wollen
wir blasen / vnnnd ein feltgeschrey ma-
chen. Israel. Der H^Err streittet
für vns/denn sihe/die Mauren zu Je-
richo fallen vmb / vnd nu ersteige ein
jeglicher stracks für sich die Stadt / vnd
verbanne alles was in der Stadt ist/
mit der scherffe des Schwerdts / beide
Man vnd Weib / jung vnd alt / Och-
sen / Schaffe vnd Esel. Josua. Ir
zween Kundschafter / gehet hin / in das
Haus der Huren / vnd füret das Weib
von dannen eraus / mit allem das sie
hat / wie jr geschworen habt. Kundo-
schafter / Wir gehen / Rahab / zabe dich
sampt deinem Vater / Mutter / Bru-
der / vñ allem was du hast / vnd geh mit
vns aus / das jr lebendig bleibet / vnd
bleibet

bleibet hauffen auffser dem Lager Iso-
rael / vnd wonet vnter vns ewer lebens-
lang. Josua. Höret alles Volck / ich
schwere bey dem HErrn / Verflucht
sey der Man für dem HErrn / der die-
se Stadt Jericho auffrichtet vnd bas-
wet / wenn er iren grund leget / das kos-
te im seinen ersten Son / vnd wenn er
ir thor setet / das koste seinen jüngsten
Son. Israel. Ach wir sehen / der
HErr ist mit Josua / vnd man wird
von im sagen / in allen Landen.

Das siebende Gespräch / aus dem 7. Capitel.

Inhalt.

Hierin haben wir ein Exem-
pel / daraus zu sehen / wie offte vnd
vielmals Gott vmb eines bösen
Buben willen / einen grossen hauffen
straffet / darumb soll Obrigkeit des bö-
sen

sen nicht schonen / sondern demselben
wehren / zu verhüten grössern vnfall.
Wir sehen auch hierin menschliche
schwachheit / wo Gott nicht hilfft / wie
ein grosser Muth vnd dapfferkeit ver-
schwindet vnnnd zur fleisset / das es wol
betens von nöten / wie Josaphat leret /
2. Chro. 20.

Wir wissen nicht O HErrre Gott /
Was wir thun solln in vnser noth /
Drumb vnser Augen wenden wir /
Gen Himmel mit höchster begir.

Solchs sehen wir an dem lieben
Josua / Daneben ist auch zu mercken /
das es war ist / wie man pflegt zu sa-
gen / im sprichwort / Es wird nichts so
klein gesponnen / es kömpt entlich an
die sonnen / dis sihet man hierin / decke
vnnnd vermentele seine sünde wie man
woll / so offenbaret sie doch Gott / vnd
strafft sie greulich / Drumb hüte sich
nur jederman vor vnrecht vnd sünde.

Gott.

Gott. Josua. Achan. Kund-
schafter. Menner
zu Aij.

Achan. Ich sehe da gar ein schö-
nes Kleinot / welchs ob es wol verban-
net / ich heimlich behalten vnd verbero-
gen wil. Josua. Geht hin gen Aij/
vnd verkundschaft das Land. Kundo-
schafter. Wir gehn / vnd sihe / wir ha-
ben alles gesehen / Nu lasse Josua nicht
alles volck hinauff ziehen / sondern bey
zwey oder drey tausent Man / vnd
schlahen Aij / das nicht das ganze volck
sich bemühe / denn jr ist wenig. Josua.
Vol / so zihet mit mir hinauff / das wir
Aij schlahen. Aij. Lasset vns Jsrael
nach eilen / denn sie fliehen für vns /
weil wir vnter ihnen 36. Man geschla-
gen / vnd jr herz ist verzagt vnd wird
zu Wasser. Josua. Ach jr Eldesten
in Jsrael / ich zurreis meine Kleider /
vnd falle auff mein Angesicht / zur
Erden für der Leden des H^Errn / bis
auff

auff den Abend / folget mir / vnd werfo
set staub auff ewre Haupter. Ach
HErr / HErr / warum hastu das volck
vber den Jordan gefürth / das du vns
in die hende der Amoriter gebst / vns
umbzubringen? Das wir wehren
senckende des Jordans blieben / wie wir
angefangen hatten / Ach HErr Gott /
was sol ich sagen / weil Israel seinen
feinden den rücken köret? weñ die Cao
naniter vnd alle einwoner des Landes
hören / so werden sie vns umgeben /
vnd auch vnsern Namen ausrotten
von der Erden / was wiltu denn bey dei
nem grossen Namen thun? Gott.
Stehe auff Josua / warumb ligstu also
so auff deinem Angesicht? Israel hat
sich versündiget / vnd haben meinen
Bund vbergangen / den ich inen ge
botten habe / dazu haben sie des vero
banneten genomen vnd gestolen / vnd
verleugnet vnd vnter ihr gerechte ge
legt / die Kinder Israel mögen nicht
stehn für iren feinden / sondern müssen
iren Feinden den rücken keren / denn
sie

ſie ſind in Bann / ich werde fort nicht
mit euch ſein / wo jr nicht den Bann
aus euch vertilget. Stehe auff / vnd hei
lige das volck vnd ſprich / heiliget euch
auff morgen / denn alſo ſagt der HErr
der Gott Iſrael / Es iſt ein bann vna
ter dir Iſrael / darumb kanſtu nicht
ſtehen für deinen Feinden / biß jr den
Bann vß euch thut / Vnd machet euch
früe erzu ein ſtam nach dem andern /
vnd welchen ſtam der HErr treffen
wird / der ſol ſich erzu machen / ein ge
ſchlecht nach dem andern / vnd welch
geſchlecht der HErr treffen wird / das
ſol ſich erzu machen / ein Haus nach
dem andern / vñ welch Haus der HErr
treffen wird / das ſol ſich erzu ma
chen / ein Haus wird nach dem andern /
Vnd welcher erfunden wird im bann
den ſol man mit fewr verbrennen / mit
allem das er hat / darumb das er den
Bund des HErrn obernſahren / vñ ein
thorheit in Iſrael begangen hat. Joſua.
Herzu Iſrael vnd höret des HErrn
wort / denn vber euch iſt der HErr er
grimmet /

grimmet/ Trettet erzu ein Stam vnd
geschlecht nach dem andern / das ich
sehe welchs geschlecht vnd Stam trof-
fen werde / Sihe / es wirdt troffen A-
chan der Sohn Charmi / des Sohns
Sabdi / des Sons Serach / aus dem
stam Juda. Achan. Sol ich was
verbannets haben? Josua. Mein
Son / gib dem HErrn dem Gott Iso-
rael die ehre / vnd gib im das lob / vnd
sage mir an was hastu gethan? vnn-
d leugne mir nichts. Achan. Warlich
ich habe mich versündiget an dē He-
ren / dem Gott Israel / Also vnd also
hab ich gethan / ich sehe vnter dem
Raub einen köstlichen Babilonischen
Mantel / vnd zwey hundert seckel Sil-
bers / vnd eine güldene Zunge / funffsig
seckel werth an gewichte / das gelüset
mich vnd nam es / vnd sihe / es ist ver-
schorren in der Erden / in meiner hüt-
ten / vnd das Silber drunder. Josua.
Lauff eilends hin vnn- bring mirs.
Achan. Hie liegts verschorren in der
Hütten. Josua. Schütte es dar für
den

den HErrn / Du gantz Israel / neme
Achan / sampt dem Silber / Mantel
vnd güldene Zunge / seine Söne / seine
Töchter / seine Weiben / Esel / Scha-
fe / seine Hütten / vnd alles was er hat /
vnd füret sie hienauß ins thal Achor /
Weil du vns betrübet hast / so betrübe
dich der HErr an diesem tage / vnd ir
vom Hause Israel / steiniget in vnd
verbrennet sie mit feur / vnd wenn ir
sie verbrennet / so machet einen stein-
hauffen vber sie / das er bleibe ewiglich
an diesem orth / welcher heisset das thal
Achor. Israel. Wir haben gethan /
wie Josua gesaget / vnd sihe / der zorn
des HErrn hat sich wider von vns
keret / nach dem Achan verbrennet
worden.

Das achte Gespräch / aus dem 8. Capitel.

Inhalt.

Syrach

Syrach sagt / die furcht
des HErrn ist der Weisheit
anfang / das ist war / denn wo
nicht Gottes furcht ist / da ist eitel thor
heit vnd vnwissenheit / daher können
wir nu sehen / woher Josua solche fürs
ichtigkeit vnd weisheit kommen ist /
das er solche mittel vnd wege finden
vnd treffen kan / dadurch die Feinde
geschlagen vnd erobert werden. Nema
lich / das er den HErrn fürchtet / vnd
nach seinem befehl vnd wort handelt /
Darumb haben sich vnser zettichte
Landsknecht keines glücks noch siegs
zuuorsehen / vrsach / es ist bey jnen kein
Gottes furcht / darumb kan auch bey
jnen kein verstand noch weisheit sein /
wie sie die Feinde angreifen sollen /
darumb müssen wol jr zehñ vor einem
fliehen / denn der sieg stehet nicht in den
zettichten pluderichten Hosen / viel we
niger in jrer fluch vnd lester zungen /
sondern in des HErrn hand / der wil
gefürcht / drum gebeten vnd angerufs
ten sein.

Gott.

Gott. Josua. Israel. Kö-
nig zu Ai.

Gott. Fürchte dich nicht Josua/
vnd zage nicht / Nim mit dir alles
Kriegsvolck / vnd mache dich auff / vnd
zeuch hin auff gen Ai / Sihe da / ich
habe de König Ai / sampt seinem volck
in seiner Stadt vnd Land / inn deine
hende gegeben / vnd du solt mit Ai vnd
irem Könige thun / wie du mit Jericho
vnd irem Könige gethan hast / Vnd das
ir iren raub jr Bihe vnter euch theilen
solt / Bestelle aber einen hinderhale
hinter der Stadt. Josua. Höret jr
Hauptleute / nemet diese dreyszig taus-
send streitbar Man / die ich erwelet
habe / vnd zihet bey der nacht hinauff
gen Ai / Ihr aber solt der hinderhale
sein hinter der Stadt / machet euch
aber nit alzu ferne von der Stad / vnd
seid allsamt bereit / Ich aber vnd als
les volck / das mit mir ist / wollen vns zu
der Stad machen / Vnd wenn sie vns
entgegen heraus fahren wie vorhin /
D so

so wollen wir für inen fliehyn / das sie
vns hernach folgen eraus / bis das wir
sie von der Stadt reissen / denn sie wer
den dencken / wir fliehyn vor inen / wie
vorhin / Vnd weil wir für inen flie
hen / solt jr euch auff machen / aus dem
hinderhalt / vnd die Stadt einnemen /
denn der HErr ewer Gott / wird sie in
ewre hende geben / wenn jr aber die
Stadt eingenomen habt / so steckt sie
an mit fewr / vnd thut nach dem wort
des HErrn / sihe / ich habs euch gebot
ten. **Israel.** Wir gehen hin / auff
den hinderhalt / vnnnd wollen halten
zwischen Bethel vnd Aj / gegen abends
wärts an Aj. **Josua.** Ja / darumb
wil ich die nacht vnter euch bleiben /
vnd des morgens mich früe auffma
chen / vnnnd mit den Eltesten für euch
hin ziehen. **König zu Aj.** Eilet /
vnd machet euch früe auff / **Israel** zu
begegnen / auff dem gefilde zum streit.
Josua. **Israel** / stellet euch als würdet
jr geschlagen für inen / vnd fliehet auff
dem wege zur Wüsten. **König.** Als
les

ler volck in der Stadt jage inen nach.
Gott. Sihe Josua / alles volck ist aus
der Stadt / vnnnd ist nicht ein Man
vberblieben in Ai / vnd die Stadt steht
offen / So recke aus die Lanzen inn
deiner hand gegen Ai / denn ich wil sie
in deine hand geben. Josua. Nach
dem ich die Lanzen in meiner Hand
gegen Ai ausgereckt / Sihe / so bricht
eilends der hinderhalt auff / aus sei-
nem orth / vnd lauffen in die Stadt /
vnnnd stecken sie mit fiewr an. König
Ai. Hilff Gott / was sehe ich hinter
mir vor einen rauch der Stad auffges-
hen gen Himmel / vnd haben nicht raum
zu fliehen / wider hin noch her. Is-
rael. Lasset vns vmbkeren / den Men-
nern zu Ai nach zu eilen / sihe / vnser
hinterhalt haben die Stadt gewon-
nen / kommen vns entgegen / das die
Menner zu Ai / mitten vnter vns
sind / schlahet sie / das niemand von
inen vberbleibe noch entrinne / lege
auch niemand an den König seine
hand / sondern greiffet ihn lebendig /

D iß das

das wir in Josua bringen. Josua.
Bringet her den König zu mir / Ich
aber wil meine hand nicht abziehen/
damit ich die Lanze ausrecke / bis das
alle einwoner Aj / durch die scherffe
des Schwerdts vmbkomen vnd vers
bannet werden. Israel. Siehe Jos
sua / alle Man vnd Weiber von Aj/
die wir geschlagen / vnd durch des
Schwerds scherffe gefallē / sind 12000.
Josua. Ja recht / vnd weil Aj ausge
brandt / so machet einen hauffen draus
der ewig bleibe / Vnd diesen König
von Aj / henger an diesen Baum / bis
an den abende / wenn aber die Sonne
vntergangen ist / so nemet seinen leich
nam vom Baum / vnd werffet in vns
ter das Stadthor / vnd machet einen
grossen steinhauffen auff in. Israel.
Wir haben alles gethan / vnd den raub
der Stad haben wir vnter vns getheis
let / nach dem wort des HErrn / das er
Josua geboten hat. Josua. Ich wil
hier dem HErrn / dem Gott Israel
einen Altar auff dem Berge Ebal
bawen /

haben/wie Mose der Knecht des Her-
ren den Kindern Israel gebotten hat/
vnd wil opffern dem HErrn Branda
opffer vnd Danckopffer / vnd jr Eltes-
ten/ Amptleute/ vnd Richter aus Isa-
rael/sampt allem volck/stehet zu beiden
seitten an der Laden gegen den Pries-
tern aus Leui / das jr höret alle wort
des gesetzes vom segn vnd fluch / wie
es geschriebē steht im Gesetzbuch/denn
kein wort sol sein / das Mose gebotten
hat/das nicht ausgeruffen sol werden/
für der ganken gemeine Israel/ beide
für dē Weibern/Kindern vnd frembd-
lingen / die vnter mir wandlen. Is-
rael. Wir hören.

Das neunde Gespräch/ aus dem 9. Capittel.

Inhalt.

D iij

Gott.

DIE sagt/Leuit. 19. Ir
solt nicht falsch schwören / bey
meinem namen / vnd entheili
gen den namē deines Gottes / denn ich
bin der HErr / Darumb was man ge
schworen vnd zugesagt / so es nicht wie
der Gott vnd sein wort / sol man hale
ten / ob es auch mit vnserm schadē vnd
nachtheil geschehen müste / des haben
wir an Josua ein Exempel / der wird
mit listē von den Gibeonitern betro
gen / doch hielt er was er geschworen /
aber gleichwol sihet man / wie auch die
gestrafft werden / so mit listē den eidt
suchen / vnd dazu ander verursachen /
Nemlich / das sie die Gibeoniter sampt
iren nachkommen gestrafft werden / das
sie ewig Holzhawer vñ Bassertreger
sein müssen / Daraus zu sehen / das ge
wis die nicht vngestrafft werden blei
ben / so falschen eidt schwören / oder den
geschworen eidt vmb gelds vnd guts
willen brechen.

König.

König/ien seid des Jordans. Is-
raeliter. Gibeoniter.

Hauptleute.

König. Wir hören was Josua
thut/lasset vns eintrechtiglich zu hauff
samen/ das wir wider Josua vnd Is-
rael streitten. Gibeoniter. Wir hö-
ren was Josua mit Jericho vnd Ai
gethan hat / wir müssen etwa ein list
erdencken / vnd ime Botschafft entge-
gen schicken / Also aber wollen wir im
thun/ vnser etliche wollen nemen secke
auff vnser Esel / vnnd alte zurissene
Weinschleuche / vnnd alte gestickte
Schuh an vnser füsse / vnd alte Klei-
der anziehen/vnd hart schimlich Brod
mit nemen / vnnd zu Josua ins Lager
gen Gilgal gehn/vñ sprechen zu Josua
vnd ganzem Israel/ wir kommen aus
fernen landen/so macht nu ein Bund
mit vns. Israel. Vielleicht mecht-
testu vnter vns wohnendt werden/wie
könten wir denn mit einen Bund ma-
chen. Josua. Wer seid jr? vnd von

D iiii wannen

wannen komet jr? Gibeoniter. Wir
sind deine Knechte / vnd sind kommen
aus frembden landen / vmb des namen
willen des HErrn deines Gottes /
denn wir haben sein gerücht gehöret /
vnd alles was er in Egypten / vnd den
zweyen Königen der Amoriter / jeno
seid dem Jordan gethan hat / Darumb
sprach vnser Eltisten vnd alle Ein-
woner vnser lands / Nemet speise mit
euch auff die reise / vñ geht hin inen ent-
gegen vñ spricht zu inē / wir sind ewre
Knechte / so machet nu einen Bund mit
vns / dis vnser Brod / das wir aus vns-
ern heusern zu vnser Speise namen /
war noch frisch / da wir auszogen zu
euch / nu aber sihe / ist es hart vnd schim-
lich / vnd diese Weinschlauch fülleten
wir new / vnd sihe / sie sind zurissen / vnd
diese vnser Kleider vnd Schuh sind
alt worden / vber der sehr langen reise.
Hauptleute. Sehet / wir nemen ewre
Speise an / vnd machen mit euch fried
vnd richten einē Bund mit euch auff /
das jr leben sollet / vnd schweren euch.

Gibeon

Gibeoniter. So ziehen wir wider also
in friede. Hauptleu. Ja/aber wir habē
den Mund des HErrn nicht gefragt/
ehe wir mit euch diesen Bund ges-
macht/doch es soll fried sein. Israel.
Es ist heute der dritte tag/das wir mit
den Gibeonitern einē Bund gemacht
haben/ vnd sehet / das hören wir / das
sie nahe bey vns sein / vnnnd vnter vns
wonnen werden. Hauptleute. Wir
sind betrogen worden / Aber doch zie-
het fort/ vnd schlaget ire Stedte nicht/
darumb das inen die Obersten der ge-
meine geschworen haben / bey dem
HErrn dem Gott Israel. Israel.
Was sollen wir thun / sollen sie vnter
vns wohnen. Hauptleute. Seid doch
stille/ wir haben inen geschworen / bey
dem HErrn dem Gott Israel/darumb
können wir sie nicht antastē / Aber
das wollen wir thun/last sie leben / das
nicht ein zorn vber vns komme / vmb
des Eides willen/ den wir inen gethan
haben/ lasset sie leben/ das sie Holzhaw-
er vnd Wassertreger sein / der ganz

D v

ken ges

ken gemeine/ wie wir inen gesagt ha-
ben. Israel. So wollen wir das Jo-
sua inen ruffen lasse. Josua. Ja/so
der sie her zu mir/höret/warumb habe
ir vns betrogen vnd gesagt / ir seid fere-
ne vö vns/so ir doch vnter vns wonet?
Darumb solt ir verflucht sein/ das vns
ter euch nicht auffhören / Knechte die
Holz hawen vnd Wasser tragen/zum
hause meines Gottes. Gibeoniter.
Es ist keinen Knechten angesagt / das
der HErr dein Gott Mose seinem
Knecht geboten habe / das er euch das
ganke land geben / vnnnd für euch her
alle einwoner des landes vertilgen
wolle / da fürchten wir vnsers lebens
für euch sehr/vnd haben solchs gethan.
Nu aber sihe / wir sind in deinen hen-
den/was dich gut vnd recht dünckt/vns
zu thun/das thu. Josua. Wolan/so
wil ich jm also thun/ vnd euch erretten
von der hand Israel/das sie euch nicht
erwürgen/aber ir solt Holzhawer vnd
Wassertreger sein der gemein / vnnnd
zum Altar des HErrn ewiglich / an
dem orth/den ich euch erwählen werde.

Das

Das zehende Gespräch/ aus dem 10. Capitel.

Inhalt.

Der Königliche Propheet
David sagt / im 145. Psalm/
Das Gott thu / was die Gottes-
fürchtigen begeren vnd höre jr schreyz
vnd helffe inen / weiter sagt er / das er
behüte/ alle die in lieben / vnd vertilge
alle Gottlosen/ Solchs hat David/ als
der es erfahren zum trost den fromen/
vnd warnung den Gottlosen geschrie-
ben / Solchs sehen wir in der Histori-
en/ denn dieweil der liebe Josua/ alles
nach dem wort vnd befehl des HErrn
thut vnd anseheth / wird hierin seine
Gottesfurcht gepreiset / darumb mus-
jm auch als ein Gottsfürchtigen begeg-
nen/ was er begreth/ Nemlich/ das auff
sein gebet / die Sonne stille steht/ vnd
alle Feinde geschlagen werden. Da
sehen

sehen wir was der glaube kan/ vnd das
Gebot vermag / dagegen sie wie Gott
die Gottlosen/ wenn sie noch so gewalt-
tig vertilge.

Gott. Adonizedeck. Josua. Gibeoniter.

Adonizedeck. Was sollen wir
thun/ denn wir hören / wie Josua alle
Stedte geschlagen / vnnnd verbannet/
dazu mit Gibeon fried gemacht/ schrei-
bet eilends dem Könige Hoham zu
Hebron/ Pircam/ dem Könige zu Jar-
muth / Zaphia dem Könige zu Lachis
vnd Debir/ dem Könige zu Eglon/ das
sie herauff komen / vnd helfen mir/
das wir Gibeon schlagen/ denn sie hat
mit Josua friede gemacht. Gibeonit.
Ah Josua / vnser Eltisten haben vns
zu dir gesand / vnnnd lassen dir sagen/
zeuch deine hand nicht abe von deinen
Knechten / kom zu vns crauff eilend/
rette vnd hülff vns/ denn es haben sich
wider vns zusammen geschlagen / alle
Könige

Könige der Amoriter / die auff dem
Gebirge wohnen. Josua. Auff was
streitbar Menner sein. Gott. Für-
chte dich nicht für jnen / denn ich habe
sie in deine hende gegeben / Niemand
vnter jnen wird für dir stehn können.
Josua. Lasset vns nicht seumen / vnd
plöcklich inn dieser nacht vberziehen/
Sehet/ der HErr schrecket sie für Is-
rael / das jr eine grosse Schlacht ges-
schlagen / zu Gibeon jaget jnen nach.
Israel. Wir sind jnen nachgeeilt/ bis
gen Bethoron / da lies der HErr ei-
nen grossen Hagel vom Himmel auff
sie fallen / bis gen Asoka / das jr mehr
gestorben von dem Hagel / denn wir
mit dem Schwerdt erwürgten. Jos-
ua. Höret jr Kinder Israel / die wort
Josua zu dem HErrn / Sonne stehe
still zu Gibeon vnd Mond im thal
Aialon. Israeliter. Wir sehen/das
der HErr vor Josua vnd Israel strei-
tet / denn die Sonn vnd der Mond
sind still gestanden / vnd haben fortzu-
gehn einen ganken tag verzogen / bis
sich

sich das Volck an seinen feinden ge-
rechnet/kein tag ist diesem gleich / wis-
der zuuor noch hernach/ da der HErr
der stim eines Mannes gehorchte. Jos-
ua. Suchet auch die Könige/denn sie
sich versteckt haben. Israel. Höre
Josua / wir haben alle fünff Könige
gefunden / verborgen inn der hülle zu
Makeda. Josua. So eilet vnd wals-
het grosse steine für das loch der Hülle/
vnd bestellet Menner dafür/ die jr hüs-
ten/Ir aber stehet nicht stille/ sondern
jaget ewren feinden nach / vnd schla-
het ire hindersten / vnd lasset sie nicht
in ire Stedte komen/ denn der HErr
ewer Gott hatt sie in ewre hende gege-
ben. Israel. Wir haben nu diese
grosse Schlacht vollendet / vnd vnser
Feinde geschlagen / vnd kommen nu
wider zu dir Josua mit frieden / vnd
niemand thar seine zunge regen für
Israel. Josua. Gehet hin / machet
auff das loch der hülle / vnd bringet ero
für/ die fünff Könige zu mir. Israel.
Hier bringen wir sie eraus. Josua.
Herbey

Herbey gang Israel / vnd alle Ober-
sten des Kriegsvolcks / die mit mir ge-
zogen / kompt erzu / vnd trettet diesen
Königen mit füßen auff ire helse / für-
chtet euch nicht / vnd erschrecket nicht /
seid getrost vnd vnuerzagt / denn also
wird der HErr / allen ewren feinden
thun / wider die jr streitet. Israel.
Wir haben gethan / wie Josua gesagt /
vnd sie geschlagen vñ getödtet. Josua.
So nemet sie / vnd hendet sie an fünff
Bewme / bis an den abend / vnd wenn
die Sonne vntergangen / so nemet sie
von den Bewmen / vnd werffet sie in
die Höle / darin sie sich verkrochen hat-
ten / vnd leget grosse steine vor der höle
loch. Israel. Was Josua befohlen / ist
geschehē. Josua. Das sind die Könige
vnd Stedte / Makeda / Libna / Lachis /
Horum / Eglon / Hebron / Debir / die
der HErr in vnser hand gegeben / wel-
che wir auff einmal gewonnen / vñ
alles verbanne / was Odem gehabt /
wie der HErr geboten hat / Lasset vns
nu wider gen Gilgal in vnser Lager
ziehen. Das

Das eilffte Gespräch /
aus dem 11. vnd 12. Cap.

Inhalt.

Hierin haben wir ein Exem-
pel/daraus zu sehen/ was die vrsach
sey / das Krieg vnd allerley
zurritung in den Regimenten mas-
chet/ Nemlich sünde vnd Gottlos leben
der welt/solchs thut so ein schaden vnd
grewlichen riss in der welt/vñ ob Gott
gleich eine weile zu sihet / vnd gedult
hat/vñ man sich nicht bessert/so kômpe
das vnglück blöghlich/ ja es müssen auch
die Gottlosen zu irem vnglück selbst
vrsach geben / wie in dieser Historia
zu sehen / Darumb sollen wir Gottes
furcht vñ besserung vnsers lebens hie-
aus lernen / wo nicht / vnd wir Gott
vnsrer sünde halben wider vns haben/
So haben vnsrer Feinde/ grossen vort-
heil wider vns / denn der Psalm 32.
sagt/

sagt/der Engel des HErrn lagert sich
vmb die her/ die in fürchten/ vnd hilffe
inen aus.

Gott. Israel. Josua. Zabin.
König zu Hazor.

König. Allen Königen vnd völs
ckern/so gegen Mitternacht/ auff dem
Gebirge / vnd auff dem Gefilde / ges
gen Mittage wohnen / Gdt gebe
euch viel friede / Ir höret/ was Josua
diesen vmbliegenden Lendern gethan/
Darumb eilet vnd fodert euch / jr Cas
naniter/ Amoriter/ Hethiter/ Pheres
siter/ Jebusiter vnd Heuiter/vnten am
berge Hermon/ im lande Mizpa/ das
wir ausziehē/ mit allem vnserm Heer/
mit grossem volck / so viel als des sands
am Meer/mit Ross vnd Wagen/ das
wir versamlet/ vns lagern an das was
ser Merom/ zu streitten wider Israel.
Gott. Fürchte dich nicht Josua vor
inen/ denn morgen vmb diese zeit / wil
ich sie alle erschlagen geben für den
E Kindern

Kindern Israel/ ire Koffe solen vorles
men/ vñ ire Wagen mit fewr verbren
nē. Josua. Höre Israel/ wisset das sich
ein grausam volck wider vns gesamlet/
auff das wir sie plöcklich vberfallen/
am wasser Merom. Israel. Der
HErr streittet für vns/ das wir sie ges
chlagen/ das niemand vberblieben.
Josua. So thut wie der HErr gesagt/
vorlemet ire Koffe/ vnd verbrennet ire
Wagen/ feret euch auch vmb gegen
Hazor/ vnd schlaget iren König/ sampe
allem das drinnē ist/ mit dem schwerd/
vnd verbannet sie/ vnnd lasset nichts
vberbleiben/ das Odem hat/ vnd vera
brennet Hazar mit Feuer. Israel.
Wir haben Hazor vnd alle stedte dies
ser Könige verbannet vnd geschlagen/
mit der scherffe des Schwerdts/ wie
der HErr durch Mosen gebotten hat/
allein die Stedte die auff Hügeln ste
hen/ haben wir nicht verbrand/ vnd
allen Raub dieser Stedte/ vnnd das
Vibē/ haben wir vnter vns getheilet.
Josua. Ja/ wir habē gethan/ was der
HErr

Herr Mose seinem Knecht/ vnd Mose
Josua geboten hat/ das nicht feilet/
an allem das der Herr Mose geboten
hatte. Israel. Es hat sich keine Stad
im friede ergebē/ den Kindern Israel/
ausgenommen die Heuiter / die zu Gibeon
wohnen/ sondern wir habē sie alle
mit streit gewinnen müssen / vnd hat
solcher streit lange zeit gewehret. Josua.
Ja/ es ist also geschehn vom Herren /
das jr hertz verstockt würde / mit
streit zu beegen den Kindern Israel
auff das sie verbannet würden / vnd
inen keine gnade widerführe / sondern
vertilget wurden/ wie der Herr Mose
gebotten hatte/ Lasset vns aber auch
ausrotten die Enakim von dem Gebirge
/ vnd verbannen mit iren Stedten.
Israel. Es ist geschehen. Josua.
Nach dem wir aber alles Land eingenommen/
vnd ein vnd dreissig Könige geschlagen /
So neme Israel solche Lender ein zum Erbe /
ein jeglicher Stam seinen theil / das das Land auffhöre
zu kriegen.

Das zwölffte Gespräch/
aus dem 13. 19. 20. vnd
21. Capittel.

Inhalt.

Herinn wird angezeigt/wie
Josua die Lender vnter Israel
ausgetheilet / vnd das einem Ieo-
den nach dem loss sein theil gegeben
worden sey. Weiter wird angezeigt/
wie Caleb der Kundschafter einer / der
dem Gott Israel trewlich gefolget/
von Gott dermassen ist gesegnet wor-
den/das er frey bekennet/er sey 85. jar
alt/vnd sey dennoch so starck/ als da er
40. jar gewesen / daraus man sehen
kan / das gesundheit / stercke / vnd ein
gering alter/ Gottes gabe sey / widers-
umb das vngesundtheit / frantzheit/
schwacheit vnd blöcklich alter der sünd-
de straffe sey / wie denn die Schrift
drewet/das die Gottlosen ire tag nicht
auff

auff die helffte bringen werden / Es ist
auch hierin zu sehen / die ordnung mit
den Freistedten / Auff das / wer vnwiso
send oder wider seinen willen / einen
Todsschlag gethan / nicht vbereilet wür
de / wie oben Deut. am 19. auch gemelt
ist.

Gott. Caleb. Leuiten. Josua.
Israel. Eltesten inn
Israel.

Gott. Du bist nu alt worden Jos
ua / vnd wol betaget / vnd des Landes
ist noch viel vbrig einzunemen / ich wil
sie aber vertreiben / für den Kindern
Israel / Lose nu drum / sie auszutheis
len vnter Israel / wie ich dir gebotten
habe / So theile nu das Land zum erbe
vnter die neun Stemme / vnd vnter
den halben stam Manasse / denn die
Rubeniter vnd Gadditer / haben mit
dem andern halben stam Manasse / ir
Erbtheil empfangen / das ihm Mose
gab / jenseid dem Jordan. Josua.
E iij Höret

Höret Eleasar vnd jr obersten Veters/
vnter den stemmen der Kinder Israel/
lasset vns durchs lose/ den zehñ halben
stemmen das Land austheilen/ vñnd
den Leuiten Stedten drinnen zu wos
nen/ vñnd vorstede für jr vihe vñnd habe/
wie Mose gebotten hat/ geben. Israel.
Ja/ wir wollen es also theilen. Caleb.
Du weissest Josua/ was der HErr zu
Mose dem man Gottes sagte/ von mei
nen vñnd deinen wegen in Kades Bar
nea/ Ich war 40. jar alt/ da mich Mo
se ausandte von Kades Barnea / das
Land zu verkundschaftē/ vñnd ich im wi
dersagte nach meinem gewissen/ Aber
meine Brüder / die mit mir hinauff
gangen waren / machetē dem volck das
herz verzagt / ich aber folgete dem
HErrn meinem Gott trewlich / da
schwur Mose desselben tages vñnd
sprach / das Land darauff du mit deis
nem Fuß getretten hast/ sol dein vñnd
deiner Kinder erbtheil sein ewiglich/
darumb das du dem HErrn meinem
Gott trewlich gefolget hast / Vñnd nu
siche

ſihe / der HErr hat mich leben laſſen/
wie er geredt hat / Es ſind nu 45. jar/
das der HErr ſolchs zu Moſe ſagt / die
Iſrael in der Wüſten gewandelt hat/
vnd nu ſihe / ich bin heut 85. jar alt / vñ
bin noch heutigs tages ſo ſtarck / als ich
war des tages / da mich Moſe auffand-
te / wie meine krafft war dazumal / alſo
iſt ſie auch jetzt zu ſtreittē / vnd aus vnd
ein zu gehen / So gib mir nu das Ge-
birge / dauon der HErr geredt hat / an
jenem tage / das du gehöret haſt / denn
es wohnen die Enakim droben / vñnd
ſind groſſe vñnd feſte Stedte / ob der
HErr mit mir ſein wolte / das ich ſie
vertriebe / wie der HErr geredt hat.
Joſua. Geſegnet ſeiſtu Caleb / vnd ſie-
he / Hebron ſol dein erbtheil ſein. Iſ-
rael. Nu das Land ganz ausgetheilt/
mit ſeinen grenken / ſo geben wir Jo-
ſua dem Son nun ſein Erbtheil vñ-
ter vns / nach dem befehl des HErrn/
die Stadt die er ſoddert / Nemlich/
Thimnathſerach / auff dem gebirge
Ephraim. Joſua. Diſs ſoll meine
E iiii Stadt

Stadt sein/darin ich bawen vnd wohnen wil. Gott. Josua / dieweil nu durchs los das austheilen / des landes zu Silo für dem HErrn vollendet/ So sage den Kindern Israel/gebt vnter euch Freistedte/daß ich euch durch Mose gesagt habe/ dahin flügen möge ein Todtschleger/ der eine seele vnuersehens/vnd vnwissendt schlegt / das sie vnter euch frey sein / für dem Blutreicher/ Vnd der da fleucht zu der Stede eine / sol stehen aussen für der Stadtthor/ vnd für den Eltesten der Stadt/ seine sache ansagen / so sollen sie in zu sich in die Stadt nemen/vnd im raum geben / das er bey inen wohne / vnd wenn ihm der Blutreicher nachjaget/ sollen sie den Todtschleger nicht in seine hende vber geben / weil er vnwissend seinen Nechsten geschlagen hat/ vnd ist im zuvor nicht feind gewest/ so sol er in der Stadt wohnen/ bis das er stehe für der Gemeine für gericht/ bis das der Hohepriester sterbe/der zur selben zeit sein wird / als denn soll der Todts

Todtschleger wider kommen / in sein
Stadt / vnd in sein Haus zur Stadt/
daraus er geflogen ist. Josua. Wel-
che sollen sein die Freistedte / dahin flie-
gen möge ein Todtschleger der vnuer-
sehens vnd vnwissend schlegt. Israel.
Diese sollen es sein / Kedes in Galilea/
Sechem / auff dem gebirge Ephraim/
Hebron auff dem gebirge Juda / Bes-
zer / in der Wüste / Ramoth in Gilead/
vnd Golan in Basan / das sollen sein
die bestimpten Stedt / allen Kindern
Israel / vnd den frembdligen die vns
ter ihnen wohnen / das dahin fliehe/
Wer eine Seele vnuersehens schlecht/
das er nicht sterbe durch den Blutra-
cher / bis das er für der Gemeine ge-
standen sey. Leuiten. Höret / Elea-
ser / Josua / vñ jr obersten Väter vnter
den stemmen der Kinder Israel / wel-
ches sind die Stedte / darin wir woh-
nen mögen. Eltisten. Diese acht vñ
vierzig Stedte / mit jren Vorstedten.
Josua. Dieweil der HErr / dem Isra-
el alle dis Land geben / das er geschwo-

E v

ren

ren hat iren Vetern zu geben / so nemet es ein / vnd wonet drinnen. Israel. Der HErr sey gelobet / der vns ruge gegeben / von allen vnsern Feinden vmbher / das keiner wider vns stehet / sondern alle in vnser hende geben hat / vnd seilet nichts an allen guten / das der HErr dem Hause Israel geredt hat / Es ist alles komen.

Das XIII. Gespräch / aus dem 22. Capittel.

Inhalt.

Der Prophet Dauid sagt im 2. Psalm / Küisset de Son / vnd im 24. Machtet die Ehre weit / vnd die Thür inn der Welt hoch / das der König der ehren einziger / Dadurch er die Obrigkeit ihres fürnempten Ampts erinnern wil / welches steht darin / das sie ire vnterthanen zu Gottes

Gottes wort fleißig halten / inen das
selbe befehlen / vnd fleißig einbinden/
daneben auch die straff mit ernst gehn
lassen/wider alles das dem wort entge
gen vnd ergerlich ist / dis erinnert sie
hierin das Exempel Josue / der schüs
set vnd befriedet nicht allein Israhel/
sondern vermanet sie fleißig/ an Gots
tes wort fest zu halten / vnd damit ja
kein Abgötterey noch ergernis entste
he/forschet er fleißig/ was er meinung
der Altar in Gilead gebawet sey.

Josua. Rubeniter. Israhel. Pi nehas vnd Elissen.

Josua. Höret jr Rubeniter/Gado
diter/ vnd der halbe stam Manasse / jr
habt alles gehalten / was euch Mose/
der Knecht des HErrn geboten hat/
vnd gehorcht meiner stim/in allem/dz
ich euch geboten habe / Ihr habt ewre
Brüder nicht verlassen/ ein lange zeit
her/bis auff diesen tag/ vnd habt gehal
ten an dem gebot des HErrn ewres
Gottes.

Gottes. Weil nu der HErr ewr Gott/
hat ewre Brüder zur ruge bracht/
wie er inen gered hat/ So wendet euch
nu / vnd ziehet hin in ewre Hütten im
Lande ewres erbes/ das euch Mose der
Knecht des HErrn gegeben hat / jeno
seidt dem Jordan / haltet aber nur an
mit fleis / das jr thut nach dem gebot
vnd gesehe/ das euch Mose der Knecht
des HErrn geboten hat / das ihr den
HErrn ewren Gott liebet / vnd wan-
delt auff allen seinen wegen/ vnd seine
Gebot haltet/ vnd im anhanget / vnnnd
im dienet von ganzem herken / vnnnd
von ganker Seelen / vnd weil jr heim
komet/ mit grossen gut zu ewren Hüt-
ten/ mit sehr viel Vihes/ Silber/ gold/
Erz/ Eisen vnd Kleider/ so theilet den
Raub ewrer Feinde/ vnter ewre Brü-
der/ Nu ziehet hin / der HErr segene
vnd sey mit euch. Kubeniter. Vnd
der HErr segne euch je mehr vnnnd
mehr/ wir ziehen hin in vnser Hütten.
Höret lieben Brüder / wir sind nu kom-
men an die hauffen am Jordan / die
im

im lande Canaan ligen/lasset vns hier
einen schönen grossen Altar bawē. Is-
rael. Was hörē wir? Sihe/die Kinder
Ruben/Gad vñ Manasse/seind kaum
von vns geschieden / vnd haben einen
Altar gebawet/gegen das land Cana-
an / an dem hauffen am Jordan / dis-
seid der Kinder Israel / die ganze Ge-
meine kome zusammen zu Silo/das wir
wider sie hinauff ziehen mit einem
Heer. Eltisten. Lasset vns zu inen
senden Pinehas den Sohn Eleasar
des Priesters/vnd mit inen zehn öber-
ste Fürsten / vnd inen also sagen / die
ganze gemeine des HErrn lest euch
sagen / Was versündigt ihr euch also
an dem Gott Israel? das jr euch heute
keret von dem HErrn / damit das ihr
euch einen Altar bawet / das jr abfals-
let von dem HErrn / Istis vns zu we-
nig an der Missethat Peor? Von wel-
cher wir noch auff diesen tag nicht ge-
reinigt sind / vnd kam eine plage vñ
ter die gemeine des HErrn / Vnd ihr
wendet euch heute von dem HErrn
weg/

weg / vnd seid heute abtrenning worden
von dem HErrn / das er heute oder
morgen vber die ganze gemeine erzür
ne / düncket euch das Land ewres erbes
vnreine / so kompt herüber ins land das
der HErr hat / da die wohnung des
Herrn steht / vnd erbet vnter vns / vnd
werdet nit abtrinnig vom HErrn vñ
von vns / das jr euch einen altar bawet
außer dem Altar des HErrn vnsers
Gottes / Versündigt sich nicht Achan
der Son Serah am verbannten / vnd
der zorn kam vber die ganze gemeine
Israel / vnd er gieng nicht allein vnter
vber seiner Missethat? Rubeniter.
Höret vns jr Fürste Israel / der starcke
Gott der HErrre / der starcke Gott der
HErrr weis / so weis Israel auch / falso
len wir abe / oder sündigen wider den
HErrn / so helffe er vns heute nicht /
Vnd so wir darumb den Altar geba
wet haben / das wir vns von dem HEr
ren wenden wolte / Brandopffer oder
Spreisopffer drauff opffern / oder
Dankopffer drauff thun dem HErr
ren /

ten / so foddere er es / Vnd so wirs
nicht viel mehr / aus sorge des dinges
gethan haben / vnd sprachen / heut oder
morgen / möchten ewre Kinder zu vn-
sern Kindern sagen / was geht euch der
HErr der Gott Israel an? Der
HErr hat den Jordan zur grenke ge-
setzt / zwischen vns vnd euch Kindern
Ruben vnd Gad / Ir habt kein theil am
HErrn / damit würden ewre Kinder
vnsrer Kinder von der furcht des HE-
ren weisen / darumb sol dieser Altar
nicht zum opffer / sondern das er ein
zeuge sey / zwischen vns vnd euch / vnd
vnsren nachkommen / das wir dem
HErrn dienst thun mögen / für ihm /
mit vnsren Brandopffern / Dancks
opffern vnd andern Opffern / vñ ewre
Kinder nicht sagen dürfen / zu vnsren
Kindern / Ir habt kein theil an dem
HErrn / das sey ferne von vns / das
wir abtrinnig werden von dem HE-
ren / das wir vns heute wolten abwenda-
den von im / vnd einen Altar bawen /
zum Opffer / ausser dem Altar des
HErrn

HErrn vnfers Gottes/ der für seiner
wohnung stehet. Pinehas. Diese re-
de gefellet vns wol / heute erkennen
wir/ das der HErr vnter vns ist / das
jr euch nicht an dem HErrn versün-
digt habt/ in dieser that/ Nu habt jr die
Kinder Israhel errettet/ aus der hand des
HErrn/ Nu feren wir wider ins Land
Canaan/ zu den Kindern Israhel/ inen
solchs anzusagen. Rubeniter. Zie-
het hin im friede. Israhel. Diese ant-
wort vnd rede / Pinehas vnd der Für-
sten gefelt vns wol / vnd gelobt sey der
Gott der Kinder Israhel/ nu wollen wir
nicht hinauff ziehen mit einem Heer
wider sie/ zu verderben das Land/ dara-
innen Ruben vnd Gad wohnen.
Rubeniter. Dieser Altar sol heißen/
das er zeuge sey zwischen vns/ vnd das
der HErr Gott sey.

Das XIII. Gespräch/ aus dem 23. vnd 24. Cap.

Inhalt.

Inhalt.

Ist die letzte vermanung/
des frommen/ Gottsfürchtigen
Fürsten Josue / an die Kinder
Israel/ darin er zweyerley thut / Ersto-
lichen erinnert er sie / der vielfeltigen
wolthat/ so Gott inen gethan/ mit vera-
manung / das sie Gott danckbar sein/
vnd sich nach dem wort vnnnd willen
des HErrn halten wollen / verheisset
ihnen daneben / wenn sie das thun / so
werde Gott glück vnd heil inen widera-
fahren lassen / Zum andern / damit sie
ja von dem Gott irer Väter nicht abo-
weichen/ wie sie sich denn erbotten hettē/
verpflichtet er sie auff ein newes mit ei-
de/ das sie nach seinem tode solcher vera-
pflichtung sich erinnern/ vnd desto wes-
niger abweichen/ hengeret auch daran ein
ernste bedrawung / wo sie werden von
Gott vnd seinem wort abweichen/ zum
abgöttischen wesen/ so werde Gott mit
allerley vnglück vberschütten / vnd sie
endlich gar vertilgen. Also solten Chri-
stliche

stliche Obrigkeit iren vnterthanē / mit
irem eigen Exempel vnnnd ernstlichen
befehl zum spiegel vorgehen / da würde
der ergernis weniger / vnd der Gottse-
ligkeit mehr sein.

Zosua. Israel.

Zosua. Es versamen sich zu mir
alle Eltesten / Heupter / Richter / Ampe-
lente vnd ganz Israel / vnd höret an /
Ich bin nu alt worden vñ wol betagt /
vnnnd ihr habt gesehen / alles was der
HErr ewer Gott gethan hat / an allen
diesen völkern für euch her / denn der
HErr ewer Gott / hat selber für euch
gestritten / Sehet / ich habe euch die
vbrige völker durchs loss ausgetheilt /
einem jeglichem Stam sein Erbtheil
geben / wie denn der HErr ewer Gott
euch geredt hat / So seid nu sehr ge-
trost / das jr haltet vnd thut alles was
geschriben sthet / im Gesetzbuch Moo-
se / das jr nicht dauon weicht / wider
zur rechten noch zur lincken / auff das
jr

Ir nicht vnter diese vbrige Völcker
kompt/die mit euch sind/vnd nicht ge-
dencket noch schweret bey dem Namen
ires Gottes/ noch inen dienenet/ noch sie
anbetet / sondern dem HErrn ewren
Gott anhanget / wie jr bis auff diesen
tag gethan habt/so wird der HErr für
euch her vertreiben / grosse vnd mechs-
tige Völcker / vnd niemand hat euch
widerstanden/bis auff diesen tag/ ewer
einer wirdt tausent sagen / denn der
HErr ewer Gott streittet für euch/
wie er euch geredt hat / darumb so be-
hütet auffss fleissigst ewre Seelen / das
jr den HErrn ewren Gott lieb habet.
Israel. Ach wie solten wir vergessen
aller wolthat des HErrn / vnd im vns
gehorsam werden. Josua. Wo jr euch
abwendet/vnd diesen vbrigen völkern
anhanget / vnd euch mit inen vorhei-
ratet / das jr vnter sie vnnd sie vnter
euch komen / so wisset / das der HErr
nicht mehr wird diese Völcker ver-
treiben für euch/ Sondern sie werden
euch zum strick vnd netz/ vnd zum geis-

sel in ewer seiten werden / vnnnd zum
stachel in ewren augen / bis das er euch
vmbbringe von dem guten Lande / das
euch der HErr ewer Gott geben hat.
Israel. Wie vns Josua gesagt / wol-
len wir thun. Josua. Sehet zu / ich ge-
he heute dahin wie alle welt / vnd jr solt
wissen von gankem herken / vnd von
ganker Seelen / das nicht ein wort ge-
feilet hat / an alle dem guten / das der
HErr ewer Gott euch geredt hat / Es
ist alles kommen / vnd keines vberblies-
ben / Gleich wie nualles gutes komen
ist / das der HErr ewer Gott euch ge-
redt hat / also wird der HErr vber euch
auch komē lassen / alles böse / bis er euch
vertilge von diesem guten Lande / das
euch der HErr ewer Gott gegeben hat /
wenn jr vbertrefft den bund des HEr-
ren ewres Gottes / den er euch geboten
hat / So fürchtet nu den HErrn / vnd
dienet im trewlich vnd rechtschaffen /
vnd laß fahren die Götter / den ewre
Väter gedienet haben / jenseid dem
Wasser vnd inn Egypto / vnd dienet
dem

dem HErrn / Gefellet es euch aber
nicht/ das jr dem HErrn dienet/so er-
wehlet euch heute / welchem jr dienen
wolt/dem Gott den ewre Väter gedie-
net haben / jenseid dem Wasser / oder
den Göttern der Amariter / in welcher
Land jr wohnet / Ich aber vnd mein
Haus / wollen dem HErrn dienen.
Israel. Das sey ferne von vns / das
wir den HErrn verlassen/vnd andern
Göttern dienen / denn der HErr vns-
er Gott/hat vns aus Egyptē geführt/
vnd für vns grosse zeichen gethan/
vnd behüt auff dem ganzen wege/ vnd
für vns ausgestossen viel Völker /
Darumb wollen wir auch dem HE-
ren dienen / denn er ist vnser Gott.
Josua. Ir köndt dem HErrn nicht
dienen / denn er ist ein heiliger Gott/
ein eiuertiger Gott / der ewer obertret-
ung vnd sünde nicht schonen wird.
Israel. Nicht also/sondern wir wollen
dem HErrn dienen. Josua. Ihr
seid zeugen vber euch/ das jr den HE-
ren euch erwelet habt/das jr jm dienet.

Israel. Ja. Josua. So thut nu von
euch die frembden Götter / die vnter
euch sein / vnd neiget ewre Herzen zu
dem HErrn / dem Gott Israel. Is-
rael. Wir wollen dem HErrn vnserm
Gott dienen / vnd seiner Stimme ge-
horchen. Josua. So machet einen
Bund mit mir. Israel. Ja. Josua.
Sehet hierzu / Sichem lege ich euch
für gesetze vnd recht / vnd schreib dis
für ewren Augen / ins Geschbuch Got-
tes / vnd richte hier vnter der Eichel
die bey dem Heiligthum des HErrn
ist / einen Stein auff / der ein zeuge sein
sol / zwischen vns / denn er hat gehört /
alle rede des HErrn / die er mit vns
geredt hat / vnd sol ein zeuge vber euch
sein / das jr ewren Gott nicht verleu-
cket / Nu geht hin in friede ein segli-
cher zu seinem Erbtheil / Ich aber bin
alt 110. jar / vnd lebens sath / vnd gehe
hin den weg meiner Väter. Israel.
Ach / vnser getrewer Herzog Josua
ist gestorben / wiewel ist es gestanden
in Israel bey seinem leben / lasset vns
derselo

denselben beweinen / vnd in der grena
ze seines Erbtheils / zu Thinnath Sea
rah / die auff dem Gebirge Ephraim
liegt / begraben.

Ende des Buchs Josua.

Daraus lerne frommer
Christ / das Gott durch fromme
Gottselige Obrigkeit /
herrliche sieg vnnnd glück gebe / vnnnd
durch sie alle Feinde vertilge / wie an
Josua zusehen / Darumb wir Gott
sonderlich bitten sollen / vmb getreue
Gottselige Regenten / vnd wenn sie
Gott gibt / das wirs erkennen / danck
bar sein / vnd Gott für sie vmb langes
leben vnd selige regierung anrufen /
denn hierin stehet / So lange Josua
vnd die Eltesten leben / dienete Israel
dem HErrn / vnd stunde wol in Is
rael / Denn Gottselige Obrigkeit ist
ein schutz vnd Mawre den vnterthas
nen.

F iiii

Die

Die fürnehm-
sten Historien / aus
dem Buch der Richter
Gesprechsweise.

Das erste Gespräch /
aus dem 1. Capitel.

Inhalt.

In erwelung eines Kes-
genten / ist das am netigsten /
das man Gott vmb rath fras-
ge / welcher dazu am tüchtigsten / das
ist / das man Gott anruffe vmb Gott-
selige Obrigkeit / welches suffragium so
mans hat / das gewisset ist / da denn
auch selige Regierung folget / wie hier
in zu sehen.

Auch sehen wir / als in einem Ex-
empel / das gewisslich allwege folget /
wie

wie Christus sagt / Luce am 6. Mit
dem Mass da jr messet / wird euch wi-
der gemessen werden / denn ob wol A-
doni Beseck als ein Obrigkeit das bö-
se straffen soll / so solt er doch nicht sol-
che Tyranney geübt haben / darumb
wie er andern gemessen / wird jm wider
gemessen.

Person dieses Gesprächs.

Gott. Juda. Israel. Sime-
on. Adoni Beseck.

Israel. Ach HErr vnser Gott/
Josua vnser getreuer Herzog ist todt/
wer sol nu vnter vns den Krieg füh-
ren wider die Cananiter? Gott.
Juda sol in führen / Sihe/ ich habe das
Land in seine hand gegeben. Israel.
Lieber Juda / der HErr sey mir dir/
wie mit Josua. Juda. Mein Brus-
der Simeon / zeug mit mir hinauff in
meinem Loss / vnd las vns wider die
I v Canani-

Cananiter streitten / so wil ich wider
mit dir ziehen in deinem Loss. Si-
meon. Es sey wie du gesagt / vnd sihe /
las vns diese feindtlich angreiffen.
Juda. Der HErr sey gelobet / der vns
den sieg wider die Cananiter vnnnd
Pheresiter geben / denn wir zu Besect
zehnen tausent Man geschlagen / wo
ist aber der AdoniBesect. Israel.
Sihe / er flohe / vnnnd wir jagten ihm
nach / vnd da wir in ergriffen / verhies
ben wir ihm die Daumen an seinen
Füssen vnd Henden. AdoniBesect.
Siebenzig Könige mit verhawenen
Daumen / irer Hende vnd Füsse / lasen
auff vnter meinem Tische / wie ich nu
gethan habe / so hat mir Gott wider
vergolten. Juda. Fahret forth / vnd
schlagt Jerusalem / vnnnd zündet die
Stadt an. Israel. Wir haben nu
alles Land vmbher eingenomen / vnd
AdoniBesect ist zu Jerusalem gestor-
ben.

Das

Das ander Gespräch / aus dem 2. vnd 3. Cap.

Inhalt.

WIE fleissig vnd trewlich /
der liebe Josua Israel verma-
net hat / das sie fest an dem
H^Errn halten sollen / haben wir drobē
gehört / aber es ist alles balde bey ihnen
vergessen / nach dem der liebe Josua ge-
storben / Daraus sehen wir / wie leicht-
lich der gemeine hauffe / in Abgöttes-
rey vnd allerley sünde geraten / wenn
fromme Regenten abgehen / darauß
denn allerley straffen folgen müssen /
wie den Josua auch ihnen zuvor gesagt /
Darumb wir ja fleissig für Gottselige
Regenten bitten sollen / damit der Ab-
götterey durch sie gewehret / vnd bey
Gottes wort die vnterthanen geschüht
werden mögen.

Engel.

Engel. **Israel.** **Athniel.**
Ehud.

Engel. Sihe **Israel**/ Ich hab dich
aus **Egypten** erauff geführt / vnd ins
Land bracht / das ich ewren Vatern
geschworen habe / vnd sprach / Ich wol
te meinen Bund mit euch nicht lassen
ewiglich / das jr nicht soltet einen bund
machen / mit den Einwohnern dieses
landes / vnd jr Altar zu brechet / aber
jr habt meiner Stim nicht gehorchet /
warum̃ habt jr das gethan? Da sprach
ich auch / ich wil sie nicht vertreiben
für euch / das sie euch zum stricke wero
den / vnn̄d ewre Götter zum Neße.
Israel. Ach **HErr** wir haben gesün
digt / vnd weinen vor dir / sey vns gne
dig / denn wir wollen dir dienen / vñ also
hier Opffern. Engel. Ach ihr seid
ein halastirrig volck / warumb verlasset
jr den **HErrn** / vnd dienet dem **Baal**
Astaroth / darumb ich euch auch gebe /
in ewrer Feinde hende / die euch berau
ben vnd treibē hin vñ her / das jr nimer
inen

inen widerstehn künde / Sondern die
hand des HErrn ist wider euch zu vns
glück / wie der HErr euch geschworen
hat / Vnd wenn euch gleich der HErr
Richter aufferweckt / die euch helffen
aus der Reuber hand / so gehorchet jr
den Richtern auch nicht / sondern huo
ret andern Göttern nach / vnd betet sie
an / vnd weichet balde von dem wege /
da ewre Väter auffgegangen seindt.
Israel. Ach wir wollen nu dem HErrn
gehörchen. Engel. Ja / wenn
euch der HErr einen Richter erwe
cket / der euch hilfft aus der Feinde
hende / so lange der Richter lebt / gehor
chet jr / wenn er aber stirbet / so wendet
jr euch / vnd verterbet es mehr denn
ewre Väter / vnd fallet nicht von ew
ren halsstarrigem wesen / darumb er
grimmet der zorn des HErrn vber
Israel / das er nicht die Heiden / die
Josua hat gelassen vertreibt / das er
Israel versuche / ob sie auff dem wege
des HErrn bleiben / das sie drinnert
wandeln / wie ihre Väter geblieben
sind

sind oder nicht / aber da nemet jr jener
Töchter zu Weibern / vnd gebet ewre
Töchter jener Söne / vnd dienet jren
Göttern / darumb der HErr ergrimet
vber Israel / das er euch verkaufft / vn-
ter die hand EusanRisathaim / dem
Könige zu Mesopotamia. Israel.
Ach HErr vnser Gott / wir sind nu
acht jar vnter EusanRisathaim gewe-
sen / errette vns. Engel. Sihe / der
HErr erwecket Israel einen Hens-
land / den Athniel / der sie erlöse. Ath-
niel. Wollauff / zum streit wider Eus-
sanRisathaim. Israel. Der HErr
sey mit dir Athniel / denn du vns erlös-
set / das wir 40. jar still gewesen. En-
gel. Sihe / so bald Athniel todt / thue
Israel fürder vbeis für dem HErrn /
darumb der HErr vber euch wirdt
kommen lassen / Ealon der Moabiter
König / der euch schlagen / vnd die
Palmenstadt einnehmen soll / vnd wer-
det jm dienen 18. jar. Israel. Ach wie
hart werden wir gedrenget vnter Ego-
lon. Engel. Der HErr hat euch er-
höret /

höret/ vnd sihe/ er erwecket euch einen
Heiland Ehdud der linck ist. Israel.
Lieber Ehdud/ nim diese geschenck/ vnd
bringe sie Eglon / der Moabiter Kö-
nig. Ehdud. Ja / ich wil mir zuvor
ein zweyschneidig Schwerdt machen
einer ellen lang / das ichs vnter mein
Kleid gürtte/ auff meine rechte hüfft/
denn wil ich jm das geschenck bringen.
Israel. So gehe hin im friede. Ehdud.
Höre Israel / ich habe das geschenck
vberantwort/ vnd karte vmb / von den
Gözen zu Gilgal / vnd lies ansagen/
Ich hab D König dir was heimlichs
zu sagen/ Er aber hies schweigen/ vnd
giengen aus von ihm/ alle die vmb ihn
stunden / Ich aber kam zu jm hinein/
in die Sommerleube / da er sass vnd
sprach/ Ich habe Gottes wort an dich/
da stund er auff von seinem stuel / ich
aber recket meine lincke hand aus/ vnd
nam das Schwerdt von meiner rech-
ten hüfft/ vnd sties jm in seine Bauch/
das auch das hefft der schneiden nach
hinein fuhr / vnd das fette das hefft
verschlos/

verschlos (vnd zog das Schwerd nicht
aus seinem Bauch) das der mist von
im gieng / vnd gieng den Saal hinaus /
thet die Thür hinder im zu / vnd ver-
schlos sie / Vnd nu Israel jaget mir
nach / denn der HErr hat ewre Fein-
de inn ewre hende gegeben. Israel.
Wir haben den forth am Jordan eina-
genommen / vnd bey zehen tausend die
besten vnd streitbarn Menner geschla-
gen / das nicht einer entrunnen / vnd
haben die Moabiter gedempfft / das
das Land 80. jar still gewesen / Auch
hat Samgar 600. Philister mit ei-
nem Dschessenstecken erschlagen / vnd
Israel erlöset.

Das dritte Gespräch / aus dem 4. Capitel.

Inhalt.

Est sagt im Propheten
Ezechiel / wenn sich der Gott
löse

lose von seinen bösen wegen wende/
soll aller seiner vorigen vbertret-
tung nicht gedacht werden. Also se-
hen wir / das Gott die Kinder, Isra-
el/ vmb irer sünde willen gestrafft/ aber
wenn sie ire sünde erkennen vnd Busse
gethan / inen wider gnad erzeigt vnd
geholffen / auff das wir beides lernen/
Erstlich Gott fürchten / vnd für sün-
den sich hüten/ Zum andern/ ob wir ge-
sündiget bald vmbkeren / vnd Göttli-
cher gnad vns trösten / als der sünde
vergeben / vnd darnach auch an Leib
vnd Seel helffen wil / denn es ist dem
HErrn leicht zu helffen / auch durch
ein Weib/ denn es mus die gewalt der
Tyrrannen / wenn jr stündlein kömpt/
nichts sein vnd zu boden gehen/ wenn
vns aber geholffen/ sollen wir mit De-
bora den HErrn loben vnd singen.

Gott. Debora. Sissera. Is-
rael. Barack. Jael.

Israel. Ach HErr / wir haben
G gesünder

gesündigt / nach dem Chud gestorben /
vnd darumb verkaufft worden / in die
hand Jabin der Cananiter König/
welchs Felthauptman ist Sissera / dem
wir 20. jar gedienet / vñ grossen zwang
leiden müssen / denn er neun hundert
eisern Wagen / Ach HErr hilff vns.
Gott. Geht hin / zur Prophetin Des
bora / die Richterinn in Israel für geo-
richt. Debora. Gehe hin ruff Bar-
rack / vñnd sage ihm / hat dir nicht der
HErr der Gott Israel gebotten / Ge-
he hin / vnd zeug auff den berg Thas-
bor / vnd nim zehen tausent Man mit
dir / von den Kindern Naphtali vnd
Sebulon / denn ich wil Sissera den
Feldhauptman Jabin / zu dir ziehen
an das wasser Kison / mit seinen Wä-
gen / vnd mit seiner menge / vnd wil in
in deine hende geben. Barack. Wenn
du mit mir zeuchst / so wil ich ziehen /
zeuchstu aber nicht mit mir / so wil ich
nicht ziehen. Debora. Ich wil mit
dir ziehen / aber der preis wirdt nicht
dein sein / auff dieser reise die du thust.

Sone

Sondern der HErr wird Sissera/in
eines Weibes hand vbergeben. Barack.
Wolauff Sebulon vnnnd Napo
thali/lasst vns mit zehen tausend Man
zihen zu fusse. Debora. Ich wil folge.
Sissera. Ich höre sagen/ das Barack
auff den berg Thabor gezogen/ auff
rüstet eilends/ die neunhundert eiser
ne Wagen/ vnd alles Volck sey auff/
das wir ihm begegnen an dem wasser
Kison. Debora. Eile Barack/ das
ist der tag/ da dir der HErr Sissera
hat in deine hende gegeben/ denn der
HErr wirdt für dir heraus ziehen.
Barack. Folget mir den Berg herab
nach. Debora. Schet/ der HErr
erschreckt den Sissera/sampt allen sei
nen Wagen vnd gankem Heer/ für
der scherffe des Schwerdts Barack/
das Sissera von seinem Wagen sprin
get/ vnnnd fleucht zu fusse. Barack.
Jaget nach den Wagen vnd dem He
er/ denn alles Heer Sissera fellet für
der scherffe des Schwerdts/ jaget inen
nach vnd schlaget sie/ das nicht einer

überbleibe. Sissera. Lieber Zael/du
weist das das haus Zabin / vnnnd das
haus Heber im friede stehn / Ich aber
fliehe zu süßen / las mich in deine Hüt-
ten. Zael. Ja weiche mein Herr /
weiche zu mir / vnd fürchte dich nicht /
ich wil dich mit meinem Mantel de-
cken. Sissera. Lieber gib mir ein we-
nig Wasser zu trincken / denn mich
dürstet. Zael. Sihe / ich schöpffe da
aus dem Milchtopff / da trincke / vnd
las dich zu decken. Sissera. Trit zu
der Hüttenthür / vnd wenn jemand
kompt vnnnd fragt / ob jemand hie sey
so sprich niemand. Zael. Bis du zu
frieden. Barack. Hat niemand Sise-
sera antreffen / das man wisse wo er
sey. Zael. Lieber Barack / ich kom
dir entgegen / anzuzeigen wo der Man
sey / den du suchest / Sihe / er kam zu
mir in meine Hütten / vnd decket ihn
zu / vnd nam einen Hammer / vnnnd
gieng leise zu jm hinein / vnd schlug in
den Nagel in seinen schlaff / das er zur
erden sanck / das er anmechtig ward
vnd

vnd starb. Barack. Ich sehe es/ vnd
den Nagel in seinen schlaff steckende.
Debora. sehet/ also hat Gott gedempff
set/ Zabin der Cananiter König / vnd
durch Israel in ausrotten lassen/ Daro
umb singe mit mir Barack/ Lobet den
HErrn / das Israel wider frey woro
den ist / vnd das Volk willig dazu ge
wesen ist/ Also müssen umbkomē/ Herr
alle deine Feinde/ die ihn aber lieb ha
ben / müssen sein wie die Sonne auff
geht in irer macht.

Historia von dem tew ren helden Gideon.

Das vierde Gespräch/ aus dem 6. Capittel.

Inhalt.

Acto. 10. sagt Petrus / das
bey Gott kein ansehen der Pers
sonen

sonen sey/ welchs in diesen vñ viel andern
Exempeln zuschen/ denn es Gotte
gar leicht ist / aus einem armen gerin-
gen / einen reichen vnd ansehnlichen/
aus einem verachten Drescher / einen
gewaltigen Fürsten zu machen / wie
auch der 113. Psalm sagt / Wer ist wie
der HErr vnser Gott / der sich so hoch
gesetzt hat / vnd auff das nidrige sihet/
Wir sehen auch hierin / die arth fleis-
ches vnd bluts / wie es in noth vñnd
fehlrigkeit ganz zaghaftig vñnd ers-
chrocken ist / vnd dencket immerdar/
wie auch an dem heiligen Gideon zu
sehen / Ist der HErr mit vns / ware-
umb ist vns denn solchs vbel widersah-
ren / das ist / wenn Gott mich liebete/
vnd mein Vater were / es würde mir
wol besser gehen/ Solch murren ist ein
grössere sünde / denn das Menschliche
herz verstehen kan / darumb steht vns
solch Exempel zur warnüg/ das wir ja
nicht vermessen vnd hoffertig werden/
sondern vns recht ansehen vñ erkennē/
daneben ist hierin ein fürstliche tugend
an

an Gideon / die er anfenglich seines
Regiments thut / Nemlich / das er alle
Abgötterey abschafft / welchs denn
sein mus / so Gott anders selige Regio-
ment vnd wolfarth geben soll.

Gott. Engel. Esriter. Israel.

Gideon. Joas.

Israel. Ach wir haben vns an dem
HErrn versündigt / darumb er vns
vnter die hand der Midianiter geben
sieben jar / vnd ist die hand der Midia-
niter so starck vber Israel / das wir vns
Hülen vnd Festungen machen müssen
inn den flüßten auff dem Gebirge /
aber / wenn wir gleich etwas aussen /
so komen die Midianiter vnd Amas-
lekiter erauff / vnnd lagern sich wider
vns / vnd verderben alles gewechs auff
dem lande / vñ lassen nichts vbrigs von
Narung inn Israel / wider Schaff /
noch Ochsen / noch Esel / denn sie ko-
men so starck wider vns / wie eine grosse
menge Heuschrecken / das weder sie

G iij

noch

noch ihre Kamel zu zehlen sein. Ach
last vns zum HErrn schreyen / ob er
vns wolt gnedig sein. Gott. Höre
du Prophet / gehe hin zu dem volck Iso
rael vnd sprich / so sagt der HErr der
Gott Israel / Ich hab euch erlöst aus
Egypten / vnnnd für euch ausgestossen
alle Völcker / vnd jr Land euch gege
ben / vnd sprach zu euch / Ich bin der
HErr ewer Gott / fürchtet nicht der
Amoriter Götter / in welcher Land jr
wohnet / vnd jr habt meiner Stimme
nicht gehorchet. Engel. Ich wil mich
hie setzen / vnter die Eiche zu Dphra /
Sihe / ich sehe Gideon Weizen dres
sehen an der Kelter / den ich wil an
sprechen / was thustu? Gideon. Ich
dresche / das ich eilend fliehe für den
Midianitern. Engel. Der HErr
mit dir / du streitbarer Held. Gideon.
Mein Herr / ist der HErr mit vns!
warumb ist denn vns solchs alles wi
derfahren? vnd wo sind alle seine wun
der / die vns vnser Väter erzeleten /
vnd sprachen / der HErr hat vns aus
Egypten

Egyptē gefürth / Nu aber hat vns der
HErr verlassen / vnd vnter der Midia
niter hende gegeben. Engel. Gehe
hin Gideon / in dieser deiner Krafft / du
solt Israel erlösen / aus der Midianis
ter hende. Gideon. Mein Herr /
womit sol ich Israel erlösen? Siehe/
meine freindschaft ist die geringste in
Manasse / vnd ich bin der Kleinst in
meines Vaters Hause. Engel. Ich
wil mit dir sein / das du die Midias
niter schlagen solt / wie einen Man.
Gideon. Lieber habe ich gnade fundē/
für dir / so mache mir ein zeichen / das
du es seist / der mit mir redet / weiche
nicht / bis das ich zu dir komme / vnn
d bringe mein Speisopffer / das ich für
dir lasse. Engel. Ich wil bleiben / bis
du widerkomest. Gideon. Ich gehe /
vnd wil ein Ziegenböcklein schlachten /
vnn d ein Epha vngesewrts Meels /
vnd Fleisch in einem Korbe / vnn d die
Brüe in einem Topff holen / vnd hera
us vnter die Eiche bringen. Engel.
Nim das Fleisch vnd das vngesewrt /

vnd las es auff dem Fels der hie ist/
vnd geus die Brühe aus. Gideon.
Ich hab es gethan. Engel. Sieh/
mit diesem stecken den ich in der hand
habe / rüre ich das Fleisch vnd vnges
seurt Mehl an. Gideon. Was ge
schicht da für ein wunder/denn so bald
das fleisch angerüre ward / fuhr feur
aus dem Felse/vñ verzehret das fleisch
vnd ungesewert Mehl/vñ verschwand
dazu bald der Man für meinen augen/
O HErr / HErr / das ist ein Engel
gewesen / hab ich also einen Engel des
HErrn von Angesicht zu Angesicht
gesehen. Gott. Friede sey mit dir/du
solt nicht sterben. Gideon. Ich wil
allhier einen Altar bawen / vñnd in
nennen/der HErr des friedes. Gott.
Nim einen Farren vnter den Och
sen/die deines Vaters sein/ vnd einen
andern Farren / der sieben jerg ist/
vnd zübrich den Altar Baal / der dei
nes Vaters ist / vñnd hawe ab den
Hain / der dabey steht / vnd hawe dem
HErrn deinem Gott / oben auff der
höhe

höhe dieses Felsen einen Altar / vnd
rüste in zu / vnd nim den andern Fels-
ren / vnd opffere ein Brandopffer mit
dem Holz des Hains / den du abgeha-
wen hast. Gideon. Ir zehn Männer
meine Knechte / kommet das wir thun /
wie der HErr befohlen hat / Ich aber
fürchte mich für den leuten / der Stad
solchs zu thun des tages / so rüftet euch /
das wirs die nacht thun. Esrter.
Sihe / wer hat das gethan / laffet vns
forschen vnd nach fragen / wer das ge-
than? Höre Joas / gib deinen Sohn
heraus / er mus sterben / denn er den
Baal zubrochen / vnd den Hain dabey
abgebrochen hat. Joas. Was wolt
ir vmb Baal haddern? wolt ir im helfe-
sen? Wer vmb in haddert / der sol dies-
ses Morgens sterben / Ist er Gott so
rechte er vmb in selbst / das sein Altar
zu brochen ist.

Das fünffte Gespräch / aus dem 6. vnd 7. Cap. Inhalt.

Inhalt.

S Anct Paulus sagt / Ein
jeglicher bleibe inn dem Bes
ruff / wie ihn der HErr berufs
sen hat / 1. Corinth. 7. Sol aber einer
seines Berufs warten / so mus er des
selben gewis sein / Darumb begeret der
liebe Gideon zeichen / damit er seines
Beruffs desto gewisser / vnd mit größe
serem muth möchte die sache angreifs
sen / da er aber seines Berufs gewis /
siehet man an im einen starcken vnd
festen glauben vnd zuuersicht / auff
Gottes verheissung vnd zusagung /
denn er das volck wider lest heim zie
hen / vnd ein kleines heufflein bey sich
behelt / ob wol der Feinde gar viel was
ren / Aber dieser fromme Fürste / hat
den glauben vnd hoffnung zu Gott /
das es nicht gelegen / an Menschen
vernunft / weisheit / macht vnd ster
cke / sondern an des HErrn hülffe / wie
er nu gleubet / so widersehret im / denn
den gleubigen ist es alles möglich / wie
hierin

hierin zu sehen/ das er die Midianiter
wunderlicher weise erlegt.

Gott. Gideon. Heuptleute. Mi-
dianiter. Israel. Boten. A-
malekiter Ephraim.

Gideon. Es haben sich alle Mid-
dianiter vnnnd Amalekiter versamlet/
vnd ziehen erdurch/vnd lagern sich im
grunde Jesreel / So blaset nu die Pos-
saunen/vñ eilet bald vnd rufft Abieser
vnd Manasse/ Affer / Sebulon vnnnd
Napthali / das sie herauff vns entge-
gen ziehen. Boten. Wir gehn vnd
wollen eilends widerkomen. Gideon.
Herr mein Gott/ wiltu Israel durch
meine Hand erlösen / wie du geredet
hast/ So wil ich ein Fell mit der Wol-
le auff die Tenne legen/wird der Taw
auff dem Fell allein sein / vnnnd auff
der ganzen Erden trocken / so wil ich
mercken / das du Israel erlösen wirst/
durch meine hand / wie du geredet hast.
Gott. Es sol geschehen/ wie du gesagt.
Gideon.

Gideon. Ja das Fell ist also nass vom
Taw / das ich den Taw aus dem Fell
trucke / vnd eine schale vol des wassers
gefüllet habe / Ach HErr / dein zorn
ergrimme nicht wider mich / das ich
noch ein mahl rede / ich wils nur noch
einmal versuchen mit dem Fell / es sey
allein auff dem Fell trucken / vnd thaw
auff der ganzen Erde. Gott. Ich
hab dich auch inn dem erhöret. Gi-
deon. Ich sehe / das es allenthalbē auff
der Erden getawet hat / aber das Fell
ist trocken / Du wolte sich alles Volck
früe morgens auffmachen / das wir
vns lagern gegen den Midianitern.
Gott. Höre Gideon / des volcks ist zu
viel / das mit dir ist / das ich solt Midia-
an in jre hende geben / Israel möcht
sich rhümen wider mich vnd sagen /
Meine hand hat mich erlöset / so las nu
ausschreien für den Ohren des volcks
vnd sagen / wer blöde vnd verzagt ist /
der fere vmb / vnd hebe sich balde vom
gebirge Gilead. Hauptleute. Des
volcks ist zwey vnd zwenzig tausende
vmbge-

umbgeferet / vnnnd nur zehen tausende
vberblieben. Gott. Des volcks ist
noch zu viel Gideon / führe sie hinab
ans Wasser / daselbst will ich dir sie
prüffen / vnd von welchen ich dir sa-
gen werde / das er mit dir ziehen sol/
der sol mit dir ziehen. Gideon. Was
sol ich nu thun HErr / Ich hab sie ans
Wasser gefürth. Gott. Welcher mit
seiner Zungen des wassers lecket / wie
ein Hund lecket / den stelle besonders/
desselben gleichen / welcher auff seine
Knie felleet zu trincken. Gideon. Des
volcks / so das Wasser gelect haben/
sind drey hundert Man. Gott. Durch
die drey hundert Man / die das Was-
ser gelect haben / wil ich euch erlösen/
vnd die Midianiter in deine Hende
geben / Aber das ander Volck las alles
gehen an seinen orth. Gideon. Wolt
an jr Heuptleute / nemet fütterung für
das Volck / vnd die Posaunen / jr an-
dern Isracliter aber gehet hin / ein jega-
licher in seine Hütten. Gott. Stehe
auff Gideon / vnnnd gehe hinab zum
Lager /

lager/denn ich hab in deine hende gegeben / fürchtestu dich aber hinab zu gehen / so las deinen Knaben Pura mit dir hinab gehen zum Lager/das du hörest was sie reden / darnach soltu mit der macht hinab gehn zum Lager. Gideon. Kom Pura / las vns gehn an dē orth/der Schiltwechter die im lager sein/ hilf Gott wie ein menge Volcks ist da / das nicht zu zehlen ist / wie der sandt des Vffers. Amalekiter. Höre mein Gesel was mir getrewmet / Mich deuchtet / ein geröstet Gerstens brod/ welket sich zum Heer der Midianiter / vnd da es kam an die Bezeltel schlug es dieselbē / vnd warff sie nider/ vnd feret sie vmb / das oberst zu vnderst/das das Bezelt lag. Midianiter. Dieser Traum ist nichts anders/ denn das schwert Gideons / Gott hat die Midianiter inn seine hende gegeben/mit dem ganken Heer. Gideon. Hörstu Pura was sie sagen / vnd nu las vns den HErrn anbeten/ vnd wider keren ins Heer Israel / Macht euch

euch auff o' Israel / denn der HErr
hat dis Heer in vnser hende gegeben/
Also aber / theilet euch in drey hauffen/
vnd ein jeder neme eine Posaune inn
seine handt / vnd ledige Krüge vnd Faa-
ckeln drinnen / vnd sehet auff mich vnd
thut auch also / wenn ich an das orth
des Heers komme / wenn ich die Pos-
saune blase / vnd alle die mit mir sind/
so solt ihr auch die Posaunen blasen/
vmb's ganze Heer vnd spricht / Hie
HErr vnd Gideon. Heuptleute. Wir
sind nu an den orth des Heers komen.
Gideon. Wecket sie auff / vñ blaset die
Posaunen / vnd zuschlaget die Krüge
in ewren henden / vnd behaltet die Faa-
ckeln in der lincken hand / vnd die Pos-
saunen in der rechten / blaset vnd rufe-
fet / Hie schwerdt des HErrn vnd Gie-
deon. Israel. Die Midianiter lauffen/
schreyen vnd fliehen / vnd inn dem
wir blasen die Posaunen / schaffets der
HErr / das im ganken Heer / eines
jeglichen Schwerdt wider den andern
ist / Nu eilet inen nach / denn sie fliehen.

H

Gideon.

Gideon. Gehe hin auff das gebirge
Ephraim/ vnd sage inen/ Kompt erab/
den Midianitern entgegen / vnd
verlaufft ihnen das Wasser / bis gen
Beth Bara vnd den Jordan. Eph-
raim. Wir haben den Midianitern
nachgeeilet / vnd das Wasser verlaufs-
ten/ vnd gefangen zween Fürsten/ O-
reb vnd Seb/ vnd sie erwürget / vnd
bringen dir Gideon hier ire Heupter.

Das sechste Gesprech/ aus dem 8. Cap.

Inhalt.

DEr fromme Fürst Gide-
on/ erkennet / das der sieg/ so
er an den Midianitern ge-
halten vom HErrn sey / Darumb er
sich auch des nicht überhebet / vnd an-
dere verachtet/ sondern ist demütig da-
bey/ dadurch er denn auch friede erhelt/
da er

da er sonst / wo er ein storkopff gewesen
sen / aller vnfried / zwischen ihm vnd
Ephraim solt erwachsen sein / Daro
nach sihet man hierin / wie er erkennet /
das der sieg von Gott sey / sintemal er
einen Leibrock machen leß / welcher
solt ein denckzeichen sein / des herrlich
en siegs / den im Gott gegeben / wie
wol aber solchs vbel gerith / vnnnd Abo
götterey daraus entstunde / dieweil das
Volk solchen dem gleich achte / den
Gott zu machen befohlē / Welchs vns
denn auch zur warnung geschrieben /
das wir nach vnsern gutdüncken oder
andacht / ohn Göttlichen klaren befehl
etwas thun vnd anfahren / denn wer
auff Gottes wort vnd befehl bleibet /
darff sich keines mißbrauchs noch ei
ner sünde / befahren.

Ephraim. Obersien zu Sucoth.

Sebach. Gideon. Pnuel.

Zether. Israel.

Knabe.

H ij

Ephraim

Ephraim. Warumb hastu Gideon vns das gethan / das du vns nicht ruffest / da du in streit zogest wider die Midianiter? Gideon. Was zanket ir mit mir so hefftig / was hab ich jese gethan / das ewr that gleich sey? Ist nicht ein Kebe Ephraim besser / denn die ganze weinerndte Abieser? Gott hat die Fürsten der Midianiter inn ewre hende gegeben / den Dreb vnd Seb / wie hette ich das thun können / das ir gethan habe? Ephraim. Man sagt / ein gut wort findet ein gute stadt / darumb wir nu zu frieden / vnnd sol kein zorn mehr bey vns sein. Gideon. Lieben Leut zu Sucoth / ich bin mit die sen drey hundert Männern vber den Jordan komē / vñ sind müde / gebt doch dem Volck / das vnter mir ist / etliche Brode / denn sie math vnd hungerig / das ich nach jage den Königen der Midianiter / Sebach vnd Zalmuna. Do bersten Sucoth. Sind die Feuste Sebach vnd Zalmuna schon inn deinen henden / das wir deinem Heer sollen Brode

Brod geben? Gideon. Wolan/wenn
der Herr Sebach vnd Zalmuna inn
meine hand gibt / wil ich ewer fleisch
mit Dornen aus der Wüsten/vnd mit
hecken zu dreschen. Israel. Ach Gie
deon / wir sind math vnnnd hungerig.
Gideon. Ich wil die Leute zu Pnuel
ansprechē vmb Brodt. Pnuel. Was
sollen wir dir geben? Gideon. Sihe
Pnuel / kom ich mit frieden wider / so
wil ich diesen Thurm zu brechen / Ir
aber liebes Volck folget nach / denn
das Heer ist sicher / vnd sehet Sebach
vnd Zalmuna fliehen/saget inen nach.
Israel. Wir haben die zween Könige/
Sebach vnd Zalmuna gefangen/ vnd
zuschreckt das ganze Heer. Gideon.
Höre Knabe / wo kompstu her? denn
die Sonne noch nicht auffgangen.
Knabe. Vō Sucoth. Gideon. Schrei
be mir auff die Obersten vnd Eltesten
zu Sucoth/vnd sage mir/wie viel sind
ir. Knabe. Diese sinds / vnnnd an der
zal 77. Man. Gideon. So last vns
gehn gē Sucoth/ Sehet nu/da ist Se

bah vnd Zalmuna / vber welchen jr
mich spottet / vnd sprachet / Ist den Se
bah vnd Zalmuna faust schon in deis
nen henden / das wir deinen Leuten /
die müde sind / Brod geben sollē. Vnd
nu Israel / nemet Dornen aus der
Wüsten vnd Hecken / vnd last es die
Leut zu Sucoth fülen / zubrecht auch
hie den Thurm Pnuel / vnd würget
die Leute der Stadt. Israel. Es ist
geschehen / wie Gideon befohlen. Gi
deon. Höret Sebah vnd Zalmuna /
wie waren die Menner / die jr erwür
get zu Thabor. Sebah. Sie warē wie
du / vnd ein jeglicher schön / wie eins
Königs Kinder. Gideon. Es sind
meine Brüder / meiner Mutter Söne
gewest / so war als der HErr lebet / wo
jhr sie hettet leben lassen / wolt ich euch
nicht erwürgen / Aber du Jether / mein
erstgeborner Son / stehe auff / vnd er
würge sie. Jether. Mein Vater / ich
kan mein Schwerdt nicht ausziehen /
dazu fürchte ich mich / denn ich bin ein
Knabe. Sebah vnd Zalmuna. Ste
he auff /

he du auff/ vnd mache dich an vns/dein
darnach der Man ist / ist auch seine
krafft. Gideon. Wolan/ so stehe ich
auff/sehet/da ist Sebah vnd Zalmuna
erwürgeret von mir / vnd neme die
Spangen / die an jrer Kamelen hänge
sindt. Israel. Lieber Gideon/ sey du
Herr vber vns/du vnd dein Son/ vnd
deines Sones Son / weil du vns vor
der Midianiter hand erlöset hast. Gie
deon. Ich will nicht Herr sein vber
euch/ vnd mein Son auch nicht / son
dern der HErr soll Herr vber euch
sein / eins aber beger ich von euch / ein
jeglicher gebe mir die Stirnbande /
die er geraubt hat. Israel. Sihe/ wir
breitten ein Kleidt aus / vnd ein jegli
cher wirfft die Stirnbande drauff/die
er geraubt hat/vnd sollē dein sein. Gie
deon. Diese güldene Stirnbande/mas
chen am gewicht / tauffent siebenhun
dert seckel goldes / ohn die Spangen
vnd Ketten / vnd scharlacken Kleider/
die der Midianiter König tragen / vñ
ohn die Halsbande jrer Kamelen/vnd

H iiii von

von solchen wil ich ein Leibrock ma-
chen lassen / vnd ihn sehen inn meine
Stadt Dyptra. Israel. Sihe / dies-
ser Leibrock ist den vorigen gleich.
Gideon. Was machstu Israel / das du
dich verhurest an dem Leibrock / welchs
geret mir vnd meinem Hause zur er-
gernis / Ach thut nicht so vbel / vnn-
d versündigt euch nicht so am HErrn.

Das siebende Gespräch/ aus dem 9. Capittel.

Inhalt.

Es ist ein war Sprichwort
Tyranney gibt Tyrannischen
lohn / wie dis viel Exempel be-
zeugen / Also zeugt diese Historia von
dem Gottlosen Tyrannen Abimelech/
welcher an seinen siebenzig Brüdern
ganz Tyrannisch handelt / sie erwür-
get vnd umbbringet / damit er das Re-
giment

giment an sich bringe/solchs verhenge
im Gott vnd lests geschehen/ Aber ent
lich strafft er sünde mit sünde ganz gre
wlich / denn ob wol die Aufrührischen
zu Sichem bey diesem Tyrannē größ
ser ruhm zu ersagen dencken / vnd der
Tyrann viel mehr / vnd soll kein noch
mit jm habē/so wendet sichs doch plöz
lich vmb/das die Aufrührischen schand
vnd spot dauon haben/ vnd der Tyrann
schendlich vnd liederlich vmbkommet/
denn ein Weib wirfft ihn bis auff den
todt/ vnd sein Knecht mus ihn vollend
erstechen. Darumb lerne hieraus/ das
gewis keine sünde vngestraft bleibe/
sondern ein jeglicher empfahe auff sei
nem Kopff/wie er verdienet hat.

Abimelech. Mutter Brüder.

Abim. Sichem. Jo
tham. Gaal.

Abimelech. Lieben Brüder / re
det für den Ohren aller Menner zu
Sichem vnd sagt / was ist euch besser/
H v das

das siebenzig Männer/alle Kinder Je-
rub Baal vber euch Heern sein / oder
das ein Man vber euch Herr sey? ge-
denckt auch dabey / das ich ewer fleisch
vnd gebein sey. Brüder. Höret jr von
Sichem / also sagt Abimelech. Sie-
chem. Es ist auch also wie er gesagt/
denn er ja vnser Bruder / Laß vns im
siebenzig Silberling aus dem Hause
Baal Berith geben / damit er im ein-
anhang machen möge. Abimelech.
Wer mir folgen wil/der neme darauff
dis Geldt/vnd gehe mit mir in meines
Vaters Haus/gen Ophra. Kotte.
Wir habens wol ehe gewagt / wir ne-
nem Geldt vnd gehen mit. Abime-
lech. Volan/ so erwürget diese siebene-
zig Man/alle Kinder meines Vaters
Gideons/auff diesem stein/ Aber sihe/
wo ist der jüngste Sohn Jotham / er
hat sich etwan versteckt / sucht ihn.
Kotte. Wir finden in nicht. Abime-
lech. So laß vns wider zu Sichem
gehen. Sichem. Ir von dem Hause
Millo kommet mit vns / das wir Abi-
melech

melech allhier zu Sichem/ bey der hohen Eichen / zum Könige machen. **Gotham.** Ir Menner zu Sichem / sehet / hie sitze ich auff der höhe des berges Grissim / vnnnd ruffe zu euch/ so höret mich / das euch Gott auch höre/ Die Bäume gingen hin/ das sie einen König vber sich salbeten / vnnnd sprachen zum Olebaum / Sey vnser König! Aber der Olbaum antwortet ihnen/ sol ich meine fettigkeit lassen/ die beide Götter vnnnd Menschen an mir preisen/ vñ hingehn das ich schwebe vber die Bäume? da sprachen die Bäume zum Feigenbaum / kom du vnd sey vnser König/ aber der Feigenbaum sprach zu ihnen / Sol ich meine süßigkeit / vnd meine gute frucht lassen / vnnnd hingehn / das ich vber den Bäumen schwebe? Da sprachen die Bäume zum Weinstock / kom du vnd sey vnser König / aber der Weinstock sprach zu ihnen/ Sol ich meinen Must lassen/ der Götter vnd Menschen frölich macht/ vnd hingehen/ das ich vber
den

den Bäumen schwebe? Da sprachen
alle Bäume zum Dornbusch / komm
du vnd sey vnser König / vñ der Dorn-
busch sprach zu den Bäumen / ißs war /
das ihr mich zum Könige salbet vber
euch / so kommet / vnd vertrauet euch vn-
ter meinen schatten / wo nicht / so gehe
feuer aus dem Dornbusch / vnd verzere
die Cedern vnd Libanon / Habt jr nu
recht vnd redlich gethan / das jr Abime-
lech zu Könige gemacht habt / vnd habe
jr wolgethan an Jerub Baal / vnd an
seinem Hause / vnd habt jm gethan /
wie er vmb euch verdienet hat / das
mein Vater vmb ewert willen gestrit-
ten hat / vnd seine Seele dahin geworf-
fen von sich / das er euch errettet / von
der Midianiter hand / Vnd jr lehnet
euch auff / heute wider meines Vaters
Haus / vñd erwürget seine Kinder /
siebenzig Man auff einem Steine /
vnd machet euch einen König / Abime-
lech seiner Magd Son / vber die Men-
ner zu Sichem / weil er ewer Bruder
ist / Habt jr nu recht vñd redlich ge-
handelt

handelt an Jerub Baal / vnd an sei-
nem Hause an diesem tage / So seide
frölich vber dem Abimelech / vnd er
sey frölich vber euch / wo nicht / so gehe
sewr aus von Abimelech / vnd verzere
die Menner zu Sichem / vnd das
haus Millo / vnd gehe auch sewr aus
von den Mennern zu Sichem / vnd
vom haus Millo / vnd verzere Abime-
lech Sichem. Höret was Jothan
sagt / D last vns jm nach eilen / denn er
fleucht gen Ber / das er da wohne für
seinem Bruder Abimelech / Aber / ich
weis nicht / wie so ein böser wille zwis-
schen vns vnd Abimelech entsteht /
Vnd was sollen wir auch weiter an
jm thun / sehet / was für einen freuel hat
er begangen / an den siebenzig Söner
Jerub Baal / jr Blut sey auff jm / vnd
denen / die jm seine Hand gestreckt ha-
ben / Wir wollen auff den Bergen ei-
nen hinderhalt machen / das wir raus-
ben / die zu jm wandeln. Gaal. Hö-
ret ihr Menner zu Sichem / wer ist
Abimelech / vnd was ist Sichem / das
wir

wir im dienen solten / vnd hat Sebul
seinen Knecht hergesetzt / ober die Leus-
te Hemor / des Vaters Sichem / waro-
umb solten wir im dienen / wolt Gott
das Volck were vnter meiner Hand /
das ich den Abimelech vertriebe. Sis-
chem. Du / wir wollen vns auff dich
verlassen / vnnnd hinaus ziehen auff
Feldt / vnnnd vnser Weinberge lesen
vnd kelteren. Sebul. Gehe heimlich
zu Abimelech / vnd sage im / sihe Gaal
der Son Ebed vnd seine Brüder / sind
gen Sichem komen / vnd machen dir
die Stadt widerwertig / denn die zu
Sichem verlassen sich auff in / vnd zie-
hen aus / lassen ire Weinberge / kelteren /
trincken / tanzen / vnd fluchen dir inn
ihres Gotteshaus / So mache nu ein
hinderhalt / auff sie im Felde / vnd iber-
falle die Stadt / vnd wo Sebul hinaus
zeucht / so thu mit ihme / wie es deine
Hand findet. Abimelech. Was höre
ich / eilends auff / vnd theilet euch inn
vier hauffen / vnd haltet auff Sichem.
Gaal. Sihe Sebul. / da kompt ein
Volck /

Volck / von der höhe des Berges ernider. Sebul. Du sihest die schatten der Berge für leute an. Gaal. Nein/ ein Volck kompt ernider / aus dem mittel des Landes / vnnnd ein hauffe kompt auff dem wege zur Zaubereiche. Sebul. Wo ist nu hie dein Maul/ das da saget/ wer ist Abimelech/ das wir im dienen solten/ ist das nicht das Volck/ das du verachtet hast? Zeug nu aus/ vnd streit mit in. Gaal. Ja ich ziehe aus. Abimelech. Saget Gaal nach/ denn er fleucht für vns. Sebul. Ich wil ihm vnd seinen Brüdern nachziehen / das sie zu Sichem nimer bleiben müssen. Abimelech. Sehet/ das volck zu Sichem ist craus auff's Feldt gegangen / so erhebet euch nu/ vnd schlaget sie. Sichem. O Abimelech vberoffellet vnd schlegt vns / vnnnd hat vnser Stadt gewonnen / zubrochen / vnnnd Salz drauff gesehet / So last vns mit gehen in die Festung des hauses / des Gottes Berith. Abimelech. Last vns inen nachjagen / vnnnd sehet/ neme ein jeder

eder ein Art in seine Hand / vnd had
we einen Ast von Beumen / vnd lege
sie auff sein Achffel / vnd thut eilend
wie ich thu. Sichem. Sehet / was
kômpt da für ein Heer / Des ist Abi
melech / der legt Holz an die Festung/
vnd steckt es an / das wir alle müssen
verderben. Abimelech. Last vns nu
an Thebez / vnd sie gewinnen / vnd stehe
ja nach dem Thurm / darauff sie geflos
hen / vnd streittet dawider / ich wil aber
hinzu gehen / ihn mit Fewr anstecken
vnd verbrennen. O Knecht / sihe / ein
Weib wirfft ein stück von einem Mül
stein auff meinen Kopff / vnd zubricht
mir den schedel / zueuch dein Swerdt ei
lends aus / vnnnd tödte mich / das man
nicht von mir sage / ein Weib hat ihn
erwürgt. Israheliter. Abimelech ist nu
tod / Gott hat im bezalet / alles dz vbel /
das er an seinem Vater gethan hat /
da er seine siebenzig Brüder erwürg
et / so ist auch kommen der fluch Joo
tham / vber die Menner Sichem / Wir
aber wollen nu gehen / ein jeglicher an
seinen orth. Das

Das achte Gesprech/ aus dem 10. Capit.

Inhalt.

S Alomon in seinen sprich-
worten am 28. Capit. sagt/
Wol vmb des Landes sünde
willen/werden viel enderunge der Für-
stenthumb/ Also sehen wir an den Kin-
dern Israel / denn nach dem Tyrano-
nē Abimelech/ welchs Regiment nicht
lange wehrete/kompt Thola ins Regia-
mende/nach im Jair/ vnd weil sie sich
noch an den HErrn versündigtē/ gibt
sie Gott vnter fremde Herrschafft/nem-
lich / vnter die hand der Philister wol
18. jar/ Doch sihet man/dz Got mitten
in seinem zorn / der Barmherzigkeit
gedenckt/so man nur Busse thut. Dar-
aus wir beide warnung vnd trost nemē
sollen/warnüg das wir mit vnsern sün-
den nicht vrsach geben / zu zurettung
der

des Regiment / Trost / das so wir ges
sündigt / von herken vnser sünde bewei
nen vnd vns bessern / als den wird vns
Gottes gnade vnd Barmherzigkeit
auch widerfahren.

Gott. Israel.

Israel. Ach HErr / vnser Väter
Gott / wie ergrimmet dein zorn / also
vber Israel / das wir verkaufft sind /
vnter die hand der Philister / vnd der
kinder Ammon / die vns zutretten vnd
zuschlagen haben / ins achkehende jar /
vñ werden hart geengstet / Ach HErr /
wir haben an dir gesündigt / denn wir
haben dich vnsern Gott verlassen / vnd
Baalim gedienet. Gott. Haben euch
nicht auch gezwungen / die Egippter /
die Amoriter / die Kinder Ammon /
die Philister / die Sidonier / die Amale
kiter / vnd Moabiter / vnd ich halff euch
aus jren Henden / da jr zu mir schriet /
noch habt jr mich verlassen / vnd an
dern Göttern gedienet / darumb wil
ich

ich euch nicht mehr helfen/ gehet hin/
vnd schreiet die Götter an / die jr er-
welet habt / lasset euch dieselben helfe-
sen/ zur zeit ewres trübsals. Israel.
Wir haben gesündigtet/ mach es nu du
mit vns wie dirs gefelt / allein errette
vns zu dieser zeit / denn wir wollen die
frembden Götter von vns thun / vnd
dir dem HErrn dienen. Gott. Sihe
Israel/ mich jammert dein / das du so
geplaget wirst/ vnd wil dich erhören.

Das neunde Gespräch/ aus dem 11. Capit.

Inhalt.

Ir sehen hierin/ wie Gott
den Kindern Israel / nach
dem sie sich gebessert / vnd zu
Gott geschrieen haben / wider einen
frommen Regenten gibt / Es ist aber
hierin eine feine Lehre/ das man nicht
böses

böses mit bösem vergelten sol / wie der
fromme Regent Jephtha thut / der ob
er wol zuvor / von den seinen verache
vnd vertrieben war / leß er sie doch sol
ches nicht entgelten / da sie seiner hülff
se bedürffen / denn Gott wil / wo noth
fürhanden ist / vñ wir helffen können /
das wir wider danck noch vndanck an
sehen sollen / sondern thun was Gote
befihlet / Man sihet auch / der Welt ver
keret vrteil / die offft einen Menschen
zu diesem Ampt oder stande vntichs
tig achte / wie Gott kein ansehen der
Personen ist / deñ dieser Jephtha war
seinen Stieff brüdern zum Witerben
nicht genug / hießen ihn ein Hurkind /
vnd stießen in aus / aber Gott war er
gut genug zum Regenten / durch wel
chen er sein volck Israel errettet. Da
neben sihet man auch / wie in den grö
sten heiligen / allwege ein flicck gehan
gen hat / darumb sie haben beten müß
sen / Vergib vns vnser schuld / Psalm.
32. Wie denn hie Jephtha ein gelübd
mit sündē vollstreckt / welchs doch nicht
hett

hett geschehen sollen / denn man kein
gelübd wider Gott vnd sein wort / zu
halten schuldig / Darumb sey niemand
stolz / sondern fürchte dich / denn wer
sich lesset düncken / er stehe / mag sehen
das er nicht falle.

Jephtha. Obersten Gilead. Is-
rael. Gileaditer. Ammoniter Kö-
nig. Tochter Jephtha.
Gespielen.

Israel. Seht euch lieben Brüder
vmb/nach einem streitbarn Man/ der
vns vorgeh zu streittē wider Ammon/
welcher sich gelegt hat in Gilead / mit
schreyen vnnnd jauchzen. Obersten.
Welcher anfehlet zu streitten / wider
die Kinder Ammon/der soll das heupt
sein / vber alle die in Gilead wohnen.
Gileaditer. Jephtha ist ein streitbar
Helt/aber ein Hurenkind/darumb sol
er nit vnser Heupt sein/höre Jephtha/
gehe hin/du solt nicht erben/ in vnser

I iij **Vaters**

Vaters Haus / denn du bist eines andern Weibs Son. Jephtha. Wolt an / ich mus fliehen für meinen Brüdern / vnnnd wohnen im lande Tob. Gileaditer. Sehet lieben Brüder / wie lose leute samlen sich zu Jephtha / vnd ziehen aus mit ihme. Israel. Wir haben nicht friede / vor den Kindern Ammon / denn sie wider vns in streit ausgezogen / was rathet jr doch zu Gilead. Gileaditer. Ir Eltesten inn Gilead / holet Jephtha aus dem lande Tob / vnd spricht / Kom vnd sey vnser Hauptman / das wir streitten wider Ammon. Jephtha. Seidt jr nicht die mich hassen / vnd aus meines Vaters Haus gestossen habt / vñ nu kompt jr zu mir / weil ihr inn trübsal seidt. Obersten. Darumb komen wir wider zu dir / das du mit vns ziehest / vnnnd helffest vns streitten / wider die Kinder Ammon / vnd seiest vnser Heupt / vber alle die in Gilead wohnen. Jephtha. So jr mich wider holet zu streitten / wider Ammon / vnd der HErr sie für mir

mir geben wirdt / soll ich denn ewer
Haupt sein? Obersten. Der Herr
sey zuhörer zwischē vns / wo wir nicht
thun / wie du gesagt hast. Jephtha.
So gehe ich mit euch. Gileaditer.
Wir reden das für dem Herrn zu
Mizpa / das Jephtha vnser Haupt vñ
Oberster sein sol. Jephtha. Vñnd
ich rede auch solchs für dem / Du gehe
hin / bringet dem Könige / der Kinder
Ammon diese Botschafft / vñd sagt/
Jephtha lest dir sagen / was hastu mit
mir zu schaffen / das du komest zu mir/
wider mein Land zu streitten. König
Ammon. Ir Boten sagt / Jephtha/
darumb das Israel mein Land genos
men hat / da sie aus Egypten zogen/
von Arnon an bis an Jabock / vñd bis
an den Jordan / so gib mirs nu wider
mit frieden. Jephtha. Gehet wider
hin / vñd sagt / Israel hat kein Land ge
nommen / wider den Moabitern / noch
den Kindern Ammon / denn da sie aus
Egypten zogen / wandelt Israel durch
die Wüsten / bis ans Schilffmeer / vñd

Sam gen Kades/ vnd sandte boten zum
Könige/ der Edomiter/ Moabiter/ vnd
Amoriter / vnd Sprachen / las mich
durch dein Land ziehen / aber der Kö-
nige keiner höret sie nicht / vnd samle-
ten sich wider Israel / vnd stritten wi-
der sie/ der HErr aber der Gott Isra-
el/ gab dē Sihon mit alle seinem volck
in die Hende Israel / das sie sie schluz-
gen / Also nam Israel alles Land ein/
so hat nu der HErr/ der Gott Israel/
die Amoriter vortrieben für seinem
volck Israel/ vnd du wilt sie einnemen?
Du soltest die einemen / die dein Gott
Camos vortriebe / vnd vns lassen ein-
nemen/ alle die der HErr vnser Gott/
für vns vertrieben hat / Weinstu/ das
du besser recht habst / denn Balack der
Son Zipor/ der Moabiter König/ hat
derselbe auch se gerechtet oder gestrit-
ten wider Israel / ob wol Israel / nu
drey hundert jar gewohnet hat / inn
Hesbon vnd iren Töchtern / in Aro-
er vnd ihren Töchtern / vnd allen
Stedten/ die am Arnon liegen? war-
umb

umb errettet irs nicht zu der zeit? Ich
hab nichts an dir gesündigt/vñ thust so
vbel an mir / das du wider mich streit-
test / der HErr felle heut ein vrtail/
zwischen Israel vnnd den Kindern
Ammon. König. Was gehet mich
das an/gehet hin / ich höre euch nicht.
Jephthah. Sihe/der Geist des HErr-
en kompt auff mich / das ich ziehen
sol wider Ammon / So gelob ich nu
dem HErrn ein gelübd / vnnd sage/
Gibstu HErr die Kinder Ammon in
meine hand/was zu meiner Hausthür
eraus mir entgegen geht/wenn ich mit
frieden wider komme / von den Kin-
dern Ammon/ das sol des HErrn sein/
vnd wils zum Brandopffer opffern.
Israel. Der HErr streittet für vns/
vnd hat vns die Kinder Ammon / inn
vnsere hende gegeben / das wir geschla-
gen haben zwanzig Stedte/vnd sie ge-
demütiget / der HERR sey gelobt.
Jephthah. Ich gehe nu wider zu mei-
nem Hause gen Mizpa / Aber sihe/
geht doch meine Tochter / ein einiges

J v

Kind

Kind eraus mir entgegen/ mit Paucke
vnd Reigen. Tochter. Ach Vater/
warumb zureisset ihr ewre Kleider.
Jephthah. Ach mein Tochter / wie
beugestu mich / vnd betrübstu mich / den
ich habe meinen Mund auffgethan/
gegen dem HErrn / vndd kans nicht
widerruffen. Tochter. Mein Voo-
ter / hastu deinen Mund auffgethen/
gegen dem HErrn / so thu mir / wie es
aus deinem Munde gangen ist / nach
dem der HErr dich / an deinen feind-
den / den Kindern Ammon gerock en
hat / allein du wollest mir das thun/
das du mich lasset zween Monden/
das ich von hinnen hinab gehe / auff
die Berge / vndd meine Jungfrawe
schafft beweine / mit meinen gespie-
len. Jephthah. So gehe hin. Tocha-
ter. Kommet meine Gespielen / mit
mir auff die Berge / meine Jungfrawe
schafft zu beweinen. Nu mein Vater/
kom ich wider zu dir / so thu was du ge-
lobet hast. Geschpielen. Unser Ge-
spiel ist nie keins Mans schuldig wor-
den/

den / So wollen wir Töchter Israel
jerlichen hingehn / vnd klage die Tochter
Jephthah des Gileaditers / des jars
vier tage.

Das zehende Gespräch/ aus dem 12. Capit.

Inhalt.

Wenn der Menschen sün-
de reiff sind / so müssen sie
selbst durch ihre hoffart oder
anders / vrsach geben / das sie gestrafft
werde / Wie hie zu sehen an de Ephrai-
tern / welche da sie vnbillicher weise /
aus hoffart / wider den Fürsten Jeph-
thah ein Auffrühr erregen / komen
sie in solchen schaden / das jr zwey vnd
vierzig tausent erschlagen wurden / da-
her sihet man / wo Krieg / Auffrühr /
vnd verderbung der Land vnd Leute
komme / Nemlich / wo nicht Gottes
furcht

furcht vnd demut ist / denn Gott kan
wider hoffart noch vnghehorsam vns
gestrafft lassen.

Jephthah. Ephraim. Gileaditer.

Ephraim. Höre Jephthah / war-
umb bistu in den Streit gezogen / wi-
der Ammon / vnd hast vns nicht ge-
ruffen / das wir mit dir zögen? wir wol-
len dein Haus / sampt dir mit feuer
verbrennen. **Jephthah.** Ich vnnnd
mein Volck hatten eine grosse sache/
mit den Kindern Ammon / vnnnd ich
schrey euch an / aber jr halfft mir nicht
aus jren henden / da ich nu sahe / das jr
nicht helffen woltet / stellet ich meine
Seele in meine hand / vnnnd zog hin/
wider die Kinder Ammon / vnnnd der
HErr gab sie mir in meine hand / war-
um kumpt jr zu mir crauff / wider mich
zu streitten. **Ephraim.** Seidtdoch jr
Gileaditer vnter Ephraim vnd Mas-
nasse / als die flüchtigen zu Ephraim.
Jephthah.

Jephthah. Samlet euch jr Menner
zu Gilead/vñ streitet wider Ephraim/
Nemet ein die Furt des Jordans für
Ephraim/ Wenn aber die flüchtigen
Ephraim sagen/ Las mich hinüber ge-
hen/so fragi/ Bistu ein Ephraiter/ vñ
er antwortet nein/ so heisset sie spre-
chen/ Schiboleth/ vnd spricht Siboa-
leth/ vnd kans nicht reden/ so greiffe
vnd schlaget in/ an dem Furt des Jor-
dans. Gileaditer. Wir haben ges-
than/ wie Jephthah befohlen/vnd ha-
ben der Ephraiter geschlagen/ 42000.
Jephthah. Ich hab Israel sechs jar
regieret/ vnd weil ich lebens satt/ so
begrabe mich in der Stadt zu Gilead.

Historia von dem tew- ren Helden Simson.

Das eilffte Gespräch/ aus dem 13. Capittel.

Inhalt.

Inhalt.

AUS dem 128. Psalm/ist
offenbar / das Kinder ein edle
gabe Gottes sein/ Also zeuche
auch diese Historia des lieben Simso-
nis/ denn da mus ein Engel kommen/
vnnnd der Mutter anzeigen / wie sie
schwanger werden / vnd einen Son
geberen soll. Dis sollen Eltern erkens-
nen/vñ kinder als ein sonderliche gabe
vnd beilage Gottes achten/vnd derwes-
gen auch thun/wie die Eltern Simso-
nis / die begeren vnnnd haben herhlich
sehnen vnd verlangen/den Engel Got-
tes wider zusehen / das sie von ihm hö-
ren vnd lernen mögen / wie sie ihren
Son / nach Gottes willen auffziehen
sollen/ darauff soltten fürwar vnser
Eltern auch sehen vnd achtung geben/
das were dann das reichste vnd beste
Patrimonium / das sie iren Kindern
lassen können.

Israel.

Israel. Engel. Manoah.
sein Weib.

Israel. Ach wir haben gesündigt/
denn der HErr vnser Gott / vns
inn die hende der Philister geben / die
vns bedrenget 40. jar. Engel. Höre
du Weib Manoah / aus dem geschlechte
der Daniter / du bist vnfruchtbar vnd
gebierst nichts / aber du wirst schwäger
werden / vnd einen Son geben / So
hüte dich nu / das du nicht trinckest/
Wein noch starck getrencke / vñ nichts
vnreines essest / deñ du wirst schwanger
werden / vnd einen Son geben / dem
kein Schermesser sol auff's Haupt kom-
men / denn der Knabe wird ein verlob-
ter Gottes sein / von Mutter leibe / vnd
er wird ansahen Israel zu erlösen / aus
der Philister hand. Weib. Lieber
Man Manoah / Es kam ein Man
Gottes zu mir / vnd sein gestalt war an-
zusehen / wie ein Engel Gottes / fast er-
schrecklich / das ich in nit fraget / woher
oder wohin / vnd er sagt mir nicht / wie
er

er hiesse/ vnd sprach zu mir/ **Sihe/** du
wirst schwanger werden / vnnnd einen
Son geberen/so trincke nu kein Wein
noch starck getrencke/ vnd isß nichts vn
reines/ denn der Knabe sol ein verlobte
ter Gottes sein / von Mutter leib an/
bis an seinen todt. **Manoah.** Ach/
das du mich nicht vom Felde geholet
hast / las vns den **HErrn** bitten / Ach
HErr/las den Man wider zu vns kom
men/den du gesand hast/das er vns leh
re / was wir mit dem Knaben thun sol
len / der geboren sol werden. **Engel.**
Der **HErr** hat dich erhöret / das ich
wider zu dir come. **Weib.** Ach **HErr**/
ich bin hier auff dem Felde / vnd mein
Man ist nicht bey mir/ ich wil eilends
lauffen / vnd ims ansagen / **Manoah**
lieber Man/ sihe/ der Man ist mir ers
chienen/ der heute zu mir kam. **Manoah.**
Ich wil mit dir gehen / Bistu
der Man / der mit dem Weibe geredet
hat. **Engel.** Ja. **Manoah.** Wenn
nu kommen wird / das du geredet hast/
welchs sol des Knabens weise vñ werck
seins

sein? Engel. Er sol sich hüten vor
allem / wie ich dem Weibe gesagt ha-
be / Er soll nicht essen / was aus dem
Weinstock kompt / vnd sol keine Wein
noch starck getrenck trinckē / vnd nichts
vnreines essen / alles was ich jr gebots-
ten habe / soll er halten. Manoah.
Lieber las dich halten / wir wollen vor
ein Ziegenböcklein opffern. Engel.
Wenn du gleich mich hie heltest / so es-
se ich doch deiner Speise nicht / wiltu
aber dem HErrn ein Brandopffer
thun / so magstu es opffern. Manoah.
Ich wuste nicht / das du ein Engel des
HErrn warest / so sage mir / wie heis-
sestu / das wir dich preisen / wenn nu
kömmet / was du geredt hast. Engel.
Warumb fragstu nach meinem Na-
men / der doch wundersam ist. Ma-
noah. Liebes Weib / wir wollen dis
Ziegenböcklein vnd Speisopffer / auff
einen Fels dem HErrn opffern / Sie-
he / wie wunderbarlich macht ers / denn
da die lohe auff fuhr / von dem Altar /
gen Himel / sehet er inn der lohe des
Altars

Altars hinauff / Ach las vns zur Erden
fallen / denn es der Engel des
HErrn gewesen / wir müssen des todes
sterben / das wir Gott gesehen haben.
Weib. Wenn der HErr lust het / vns
zu tödten / so hett er das Brandopffer
vnd Speisopffer nicht genomen von
vnsern henden / Er het auch vns solchs
alles nicht erzeigt / noch vns solchs al-
les hören lassen / wie jetzt geschehen ist.
Manoah. Wir wollen zu Hause ge-
hen / vnd sehen / was der HErr geben
wird. Weib. Es ist die zeit da / wie der
Man gesagt hat / denn ich einen Son
geboren. Manoah. Billich preisen
wir den HErrn / denn es ist ein schö-
nes Kinde / Er sol Simson heissen.
Weib. Ach wie segnet der HErr das
Kind / denn es sehr wechset vnd starck
wirdt. Manoah. Ja / vnd es wird
vom Geist des HErrn getrieben / als
wir sehen.

Das zwölffte Gespräch /
aus dem 14. Capittel.

Inhalt.

Inhalt.

Mu sihet hierin / wie viel
gelegē ist an der Kinderzucht
damit sie from / vnd wolgeras
ten mögen / weil nu Simson von sei
nen Eltern wol erzogen / thut er auch
wie ein fromes Kind / das er / da er nu
zu seinen jaren komen / ohn seiner El
tern vorwissen / ob er wol durch Gots
tes geschick ein Heidnisch Weib ne
men wil / des sich nicht vnterwinden /
sondern fragt sie zuuor / Solche from
me Kinder haben Gottes zusage / das
es jnen wol gehen / vnd lang leben sol
len / das sehen wir an Simson / wie im
Gott sonderliche leibs stercke gibt / das
er einen Lewen mit henden / ohn alle
waffen zurreist vnd würget / auch wie
im Gott beysteht / das er sich an seinen
Feinden den Philestern rechen kan /
weil sie im sein Weib nemen / vnd eis
nem andern geben.

Manoah. Simson. Thimnathir. Jünglinge. Weib.

Simson. Lieber Vater vnd Mutter / ich hab ein Weib gesehen / vnter den Töchtern der Philister / gebt mir sie zum Weibe. Manoah. Lieber Son / ist denn nu kein Weib vnter den Töchtern deiner Brüder / vnd in alle deinem volck / das du hingehst / vnd nimmst ein Weib / bey den Philistern / die vnbeschnitten sind? Simson. Gib mir diese / denn sie gefellet meinen Augen. Manoah. Liebes Weib / gewis ist das von dem HErrn geschehen / das er versach suche / an die Philister / die zu der zeit Herrschen vber Israel. Wolt an lieber Son / wir / dein Vater vnd Mutter / gehn mit dir gen Thimnath / das du thust / wie du gesagt hast. Simson. Wir gehen / sihe / was sehe ich bey dem Weinberge / Es ist ein junger Löwe / brüllend mir entgegen / geht jr forsohin ich wil bald folgen / Ich wil mich an den Löwen machen / wiewol ich nichts

nichts in meiner hand habe / vnd mich
an ihm versuchen / sihe / weil ich so ge-
dencke / geriet der Geist des HErrn
vber mich / das ich den Löwen zurißent
habe / wie man ein klein Vöcklein zu-
reisset. Manoah. Was hastu gese-
hen mein Son / vnd warumb hastu
verzogen? Simson. Nichts / gehet
jr nu forth / sehet / diese ist / die meinen
Augen gefellet. Manoah. So schafe
se es Gott nach seinen gefallen / wir
wollen aber wieder anheim gehen.
Simson. Ja / ich wil euch balde folgen /
Ich mus zwar das Als des Löwen bes-
sehen / sihe / ist doch ein Bienschwarm
in dem Als / des Löwens vnd Honig /
das michs lüst zu essen. Manoah.
Wo von istest du? Simson. Da fand
ich Honig / sehet / da Vater vnd Mut-
ter esset auch dauon. Manoah. Wo
hastu dis bekommen. Simson / Was
begeret ihr das zu wissen / ist es nicht
gut. Manoah. Ja draun / aber du
weißest / das der tag erzu naht / wels-
cher bestimpt ist / Hochzeit zu machen /

so wollen wir nu hinab. Simson.
Ich weis es. Manoah. Wie ich ge-
sagt hab / also wil ich dir allhie Hocho-
zeit machen. Thimniathir. Diese
dreissig Jüngling geben wir Simson
zu / die bey im sein sollen. Simson.
Ja / ich wil euch aber ein Kegel auff-
geben / wenn ihr mir das errattet
vnd trefft / diese sieben tage der Hocho-
zeit / so wil ich euch dressig Hemde
geben / vnnnd dreissig Sewerkleider /
Fundt irs aber nicht erratten / so solt
ihr mir sie geben. Jüngling. Es sey
wol / gib dein Kegel auff / las vns hö-
ren. Simson. Speise gieng von dem
Bresser / vnd süßigkeit von dem star-
cken. Jüngling. Lieben Gesellen /
wir haben nu in diesen tagen das Ke-
gel / nicht erratten können / Lieber
lasset vns Simsons weib ansprechen /
das sie iren Man vberrede / das er vns
sage das Kegel / oder wir werden dich
vnd deines Vaters Haus mit sewr
verbrennen / habt ir vns hieher gelas-
den / das ir vns arm machet oder nicht.
Weib. Ah Simson / du bist mir gram /
vnd

vnd hast mich nicht lieb / du hast den
Kindern meines volcks ein Kegel auff
gegeben / vnd hast mirs nicht gesagt.
Simson. Was weimestu / sihe / ich hab
es meinem Vater vnd meiner Mut-
ter nicht gesagt / vnd solt dirs sagen?
Weib. Ach / ich hab nu sieben tage /
weil wir hochzeit gehabt / für dir Sim-
son geweinet / noch sagstu mir das Ke-
gle nicht. Simson. Du treibest mich
ein mit deinem weinen / vnd dis ist das
Kegle. Weib. Höret jr Jüngling /
das ist das Kegle. Jüngling. Höre
Simson / heute ist der siebende tag /
vnd die Sonne ist noch nicht vnter-
gangen / vnd wollen dir dein Kegle
auflösen / das du auffgabest. Sim-
son. Ich höre. Jüngling. Was ist
süßer denn Honig? was ist stercker denn
der Löwe. Simson. Wenn jr nicht
hettet mit meinem Kalbe gepflüget / jr
hettet mein Kegel nicht troffen / Aber
durch den Geist des HERRN / der
über mich gerith / gehe ich gen As-
flon / vnd dreissig Man vnter jnen
erschlagen / damit ich das Gewand

vnd Feierkleider denen gebe / die das
Kessel erratten haben. Jüngling.
Wo sind nu die Feierkleider? Sim-
son. Da habt jr sie / warumb habet ihr
mir aber mein Weib genommen / vnd
meiner Gesellen einem gegeben? Wol-
an / ich gehe dauon im grim / meines
zorns / in meines Vaters Haus.

Das XIII. Gespräch/ aus dem 15. Capittel.

Inhalt.

WIE feind Gott sey / der
vnrordenlichen vermischung/
Mannes vnd Weibes sey / se-
hen wir hier an den Thimnitern / Denn
weil der Vater dem Simson die Toch-
ter genommen / vnd einem andern gege-
ben / werden sie beide mit einander ver-
brennet / Auch sihet man hierin / zwey
erley wunder / das eine / das Simson
ohn

ohn alle Wassen / tausent Man / mit
einem Esel backen todt schleget / das
ander / das Gott dem müden vñ dürstis-
gen Simson / in der noth / aus einem
dürren Backen an lest entspringen /
Darumb selig ist der Man / der Gott
vertrawen kan / den er wunderlich helf-
fen kan.

Simson. Thimniter. Philis-
tister. Juda.

Simson. Ich mus zwar zu meis-
nem Weibe gehn / vñnd sie besuchen /
mit einem Ziegenböcklein / wenn ich
nur zu jr in die Kammer komen könd-
te. Thimniter. Ich las dich nicht zu
meiner Tochter / denn ich meinet / du
wereest ihr gram worden / vñnd habe sie
deinen freunden geben / sie hat aber ei-
ne jüngere Schwester / die ist schöner
denn sie / die las dein sein / für diese.
Simson. Ich habe nu ein mahl / eine
rechte sache wider die Philister / Ich
wil euch schaden thun / Vñnd nu gehe
K v ich

ich / das ich Füchſſe fahe / die ich dazu
brauchen wil / Nu ich aber drey hun-
dert Füchſſe gefangen / wil ich nemen
Brende / vnd ja einen Schwanz zum
andern keren / vnnnd einen Brand ja
zwischen zween Schwenke thun / die
mit ſewer anzünden / vnnnd vnter das
Korn der Philifter lauffen laſſen /
das also die Mandel vnnnd ſtehend
Korn/Weinberge vnd Olbäume an-
gezündet werden. Philifter. Wer
hat vns dieſen ſchaden anders ge-
than / denn Simſon / der Eidam des
Schimnitters / darumb / das er ihm ſein
Weib genommen / vnd ſeinem freun-
de gegeben hat / kompt laß vns hinauff
ziehen / vnd ſie ſampt iren Vater mit
ſewer verbrennen. Simſon. Ob ir
ſchon das gethan habt / doch wil ich
mich an euch ſelbs rechnen / vnd euch
ſchlahen an ſchuldern vnd lenden / vnd
darnach auff hören. Philifter. Auff/
vnd laß vns Juda belagern / vnd allo
hier zu Lehi niederlaſſen. Juda. War-
umb ſeidt ir wider vns crauff gezogen?
Philifter.

Philister. Wir sind erauff kommen/
Simson zu binden / das wir im thun/
wie er vns gethan hat. Juda. Drey-
hundert vnter vns / wollen heimlich
hinab ziehen / in die Steinfluffte zu
Etam/vnd zu Simson sprechen/ weis-
stu nicht / das die Philister vber vns
herrschen? Warum hastu vns denn
das gethan? Simson/wie sie mir ge-
than / so hab ich ihn wider gethan.
Juda. Wir sind erab komen / dich zu
binden / vnd in der Philister hende zu
geben. Simson. So schweret mir/
das jr mir nicht wehren wolt. Juda.
Wir wollen dir nicht wehren/sondern
wollen dich nur binden / vnd inn ire
hende geben / vnd wollen dich nicht
tödtten. Simson. So thut ihm also.
Juda. Nu wir in mit zweyen neuen
stricken gebunden haben / so laß vns
in erauff führen vom Fels/ Höret wie
jauchzen die Philister zu ihm zu.
Simson. Durch den Geist des HErrs
/ der vber mich geried / sind diese
stricke/ wie jr sehet/wie faden / das das
fewer

feuer versenget hat / vnd die band an
meinen henden zu schmelzen / Vnd
sehst/hie liegt ein fauler Eselskinback/
zu dem recke ich meine Hand aus/vnd
schlahe vnter die Philister/ das sie bey
hauffen da liegen / denn durch eines
Eselskinbacken / hab ich tausent Man
geschlagen / da liegt nu der Kinback/
vñ die Stad sol heißen Ramath Lehi/
Aber HErrre mein Gott / wie dürstet
mich / du hast solch gros heil gegeben/
durch die hand deines Knechts / Nu
aber mus ich dursts sterben / vnd inn
der vnbeschnitten hende fallen / Aber
was geschicht da für ein wunder/ denn
sihe / Gott spaltet da einen Backen
zan in dem Kinbacken / vnd geht was
ser eraus/ Nu wil ich trincke/das mein
Geist wider komme / vnd ich mich ers
quicke / Vnd dieser Brun / der im
Kinbacken worden ist / soll heißen der
anruffers Brun.

Das XIII. Gespräch/
aus dem 16. Capittel.

Inhalt.

Inhalt.

Dieser gewulche fall Sim
sons / stehet vns zū Exempel/
das wir vnser schwachheit ero
kennen lernen / vnnnd desto mehr auff
vns achtung haben/sintemal auch heis
lige Leute/ in sünde fallen vnd vnrecht
thun / Daneben sehen wir auch / wie
Gott die sünde Simson gestrafft ha
be / das er jm die gnade / so er bis hero
gehabt / entzogen / seine Augen aus
stechen / vnd inn einem elenden jemo
merlichen leben / vnter seinen Fein
den ein zeitlang hat bleiben lassen.
Auch sihet man hierin/wie auch Gott
die Philister / welche Heiden waren/
vmb irer Abgötterey gestrafft habet/
denn da gibt Gott endlich/ dem Sim
son als einem Regenten krafft vnnnd
vermögen / das sie durch in gestrafft
werden.

Simson:

Simson. Gasiter. Philister.
Delila. Brüder Sim-
sons. Knabe. Boten.

Gasiter. Simson ist erein gen
Gasa komen / vnnnd bey einer Huren
eingeferet / lasset vns ihn vmbgeben/
vnd die nacht auff ihn lauren / in der
Stadthor / vnd morgen wenn es lieche
wird / wollen wir in erwürgen. Sim-
son. Es ist nu Mitternacht / vnd zeie
das ich auffstehe. Gasiter. Sehet/
was Simson thet / Er ergreiff beide
Thür an der Stadthor / sampt den
beiden Pfosten / vnnnd hub sie aus mit
den Niegeln / vnd legt sie auff sein schul-
dern / vnd trug sie hinauff / auff die hö-
he des berges für Hebron. Philister.
Hörestu Delila / weil Simson dich lie-
b gewonnen / lieber so vberrede in / vñ
besiße / worinnen er solche grosse krafft
hat / vnd womit wir in vbermögen / das
wir in binden vnd zwingen / so wollen
wir dir geben / ein jeglicher tausent vñ
hundert Silberlinge. Delila. Lieber
Simson!

Simson/sage mir/worin deine grosse
krafft sey / vnd womit man dich binden
möge / das man dich zwinde.
Simson. Wenn man mich binde/mit
sieben seilen von frischem Bast / die
noch nie verdorret sind / so würde ich
schwach / vnd were wie ein ander
Mensch. Delila. Höret jr Fürstien/
der Philister / bringet mir herauff sie-
ben seile von frischem Bast / die noch
nicht verdorret sind/ damit ich in bind-
de/ vnd haltet auff ihn bey mir inn der
Kammer. Philister. Wie du gesagt/
wollen wir thun. Delila. Die Philis-
ter vber dir Simson / O Simson/
sihe / du hast mich geteuschet vnd mir
gelogen / denn du zureist die seile / wie
ein flechssene schnur zureist / wenn sie
ans feur reucht/vnd wird nicht kund/
wo deine krafft ist / so sage mir doch/
womit kan man dich binden. Sim-
son. Wenn sie mich binden / mit ne-
wen stricken/ damit nie kein arbeit ge-
schehē ist/so würde ich schwach wie ein
ander Mensch. Delila. So binde ich
dich

dich mit neuen stricken/Philister vber
dir Simson/aber sihe/noch hastu mich
gedeuscht / vnd mir gelogen / denn du
zureißt die strick von deinen Armen/
wie einen faden/Lieber sage mir doch/
womit kan man dich binden. Sim-
son. Wenn du sieben Locke meines
Heupts fächtest / mit einem Flecht-
band / vnd hefftest sie mit einem Na-
gel ein. Delila. Nu ich hab dich an-
gehefftet/Philister vber dir Simson/
Ach wie kanstu sagen / du hast mich
lieb/so doch dein herz nicht mit mir ist?
drey mahl hastu mich gedeuscht / vnd
mir nicht gesagt/ worinnen deine gro-
ße krafft sey / vnd zogest die geflochten
Lock mit nagel vnd flechtband eraus/
lieber sage mirs doch. Simson. Du
treibest mich mit deinen worten alle
tage / vnd zu plagest mich / das meine
Seele math wird/bis an den tod/ jetzt
sage ich dir mein gankes Herz / Es
ist nie kein Schermesser auff mein
Heupt komen / denn ich bin ein ver-
lobter Gottes / von Mutterleib an/
wenn

wenn du mich beschörest / so wiche meis-
ne krafft von mir / das ich schwach wür-
de / vnd wie alle andere Menschen.
Delila. Kompt jr Fürsten der Philis-
ter / noch einmal erauff / denn er hat
mir all sein Herß offenbaret. Philis-
tister. Wir komen / vnd bringen das
Geld mit vns / in vnsern henden. Del-
lila. Ich wil in lassen entschlaffen auff
meinem Schoß / so kom einer / wenn
ich in ruffe / das er im die sieben Locken
seines heupts abschere. Philister. Ja /
Delila. Philister vber dir Simson.
Simson. Der HErr ist von mir ge-
wichen / vnd ich wuste es nicht / denn
ich wolte ausgehen / wie ich mehr mals
gethan / vnd mich ausreißen / vnd kan
nicht. Philister. Wir haben ihn er-
griffen / stechet in die augen aus / vnd
führet in hin gen Gasa / bindet in mit
zwo ehernen Ketten / vnd lasset in mah-
len im Gefengnis. Delila. Das geld
neme ich also von ewren henden / wie
ihr mir versprochen habt. Philister.
Ja / nim es hin. Simson. Ach / ich
L armer

armer blinder Man / Ich hab nu hier
so lange mahlen müssen / das ich füle/
das mein Haar begindt wieder zu
wachsen/wo es beschoren war. Philis-
tister. Nu laß vns versamlen / das wir
vnserm Gott Dagon ein gros Dyffer
thū/ vnd vns frewen/ denn vnser Gote
hat vns vnsern feind Simson in vnser
hende gegeben/ vnd nu alles volck lobe
Gott / Weil aber vnser Herr guter
ding ist/ so laß vns Simson holen/das
er für vns spiele. Voten. Hie kompt
Simson. Philister. Stellet in zwis-
schen zwei Seulen. Simson. Lieber
Knabe/ leute mich bey der Hand / vnd
laß mich/das ich die Seulen taste/auff
welchen das Haus stehet/ das ich mich
dran lehne. Knabe. Hie ist die Seule/
vnd das Haus ist voll Menner vnd
Weiber / auch sind der Philister Für-
sten alle da / vnd auff dem Dach bey
drey tausent Man vnd Weib / die zu-
sehen/wie du spielst. Simson. Ach
Herr/ Herr/ gedencck mein vnd ster-
cke mich doch dis mahl / das ich für
meine

meine beide Augen mich einest reche/
an den Philistern / Höre aber mein
Son / führe mich zu den Mitteln zwo
seulen / das ich sie fasse / eine in meine
rechte / vnd die ander inn meine lins
cke hand. Knabe. Da sind sie beide.
Simson. Meine Seele sterbe mit den
Philistern / vnd du Herr stercke mich /
das ich sie krefftiglich neige. Philis
ter. O das Haus fellet auff vnser
Fürsten / vnd auff alles volck das dara
innen ist / das der todten mehr ist / die
in seinem todt storben / denn die bey sei
nem leben gestorben. Brüder Simo
sons. Lasset vns hinab gehen / vnd vns
fern verstorbenen Bruder auffheben /
vnd herauff tragen / das wir in begrä
ben / in seines Vaters Manoah grab /
zwischen Zarea vnd Eschaol / last vns
auch leid vmb in tragen / denn dieser
Simson zwanzig jar / vns wol regiert
vnd geschüzet hat.

Das XV. Gespräch / aus dem 17. Capittel.

L ij

Inhalt.

Inhalt.

Diese Historia zeiget an/
wie eben zu der zeit / da kein
König oder Regent im Lande
gewesen / im stam Ephraim / sich ein
neue Abgötterey erhoben / vnnnd das
sich ein Leuit aus armuth dazu habe
brauchen lassen / daraus zu sehen / wie
gar ein grosse gnade vnd gabe Gottes
es ist / wo Gott Gottselige Regenten
gibt / die vber Gottes wort / vnd dem
rechten Gottesdienst trewlich halten/
Auch wie armuth zu vielen bösen ver-
ursacht.

Micha. Mutter. Leuit.

Micha. Meine Mutter / die taus-
sent vnd hundert Silberlinge / die du
zu dir genommen hast / vnd geschworen/
vnd gesagt / für meinen Ohren / solche
zugebē zum Bilde / sihe / dasselbe Geld
ist bey mir / denn ich hab zu mir genos-
men. Mutter. Gesegnet sey Micha/
mein

mein Son / dem HErrn / Sihe / ich
hab das Geldt dem HErrn geheiligt
von meiner Hand / für meinen Son/
das man ein Bilde vnd Abgott ma-
chen sol/darumb so geb ichs mein Son
dir nu wider. Micha. Nein mein
Mutter/wie ich gesagt/ ich gebs dir wi-
der. Mutter. Sihe / so geb ich dem
Goldtschmide zwey hundert Silbers
ling/das er mir ein Bilde vnd Abgott
mache / das solchs darnach in deinem
Hause sey. Micha. Wolan / so hab
ich so ein Gotteshaus / vnd wil ma-
chen einen Leibrock vnd das Heilige
thumb / vnd meiner Söne einen / die
hand füllen/das er mein Priester wer-
de. Leuit. Ach es steht jetzt ganz vbel
in Jsrael/ denn kein König zu der zeit
vnter inen ist / vnd ein jeglicher thut/
was in recht düncket/ ich aber bin frem-
de da / darumb wil ich auswandern/
wo ich hin kan. Micha. Wo komps-
tu her. Leuit. Ich bin ein Leuit.von
Bethlehem Juda / vnd wandere wo
ich hin kan. Micha. Bleibe bey mir/

du solt mein Vater vnd mein Prie-
ster sein/ Ich wil dir ferlich zehen Sil-
berlinge vnd benantte Kleider vnd
deine Nahrung geben. Leuit. Ich ge-
he mit dir/ bey dir zu bleiben. Micha.
So fülle ich dir die handt / das du inn
meim Hause seiest mein Priester. Vnd
nu weis ich / das mir der HErr werde
wol thun / weil ich einen Leuiten zum
Priester habe.

Das XVI. Gespräch/ aus dem 18. Capittel.

Inhalt.

Wenn das Feuer inn die
Wacholder Busche kompt/
so frisset es weg/ was es erhas-
schet/ Also ist Abgötterey gar ein sched-
lich feuer/ wo die lufft gewinnet/ so ist
ir nicht zu wehren/ dis sehen wir hier
in/ was ein einiger Leuit / für jammer
vnd

vnd Abgötterey / im ganken stam der
Kinder Ephraim anricht / darumb nur
je ehr je besser solcher gewehret vnd
ausgerottet / sonst wo sie vberhand nie
met / so ist's hernach vngewehret.

Daniter. Gesandte. Leuit.

Daniter. Wir haben noch kein
Erbe vnter den stemmen Israel / so
lasset vns fünff Männer aussenden /
die das Landt erkunden / wo wir ein
Ertheil bekommen. Gesandte. Wir
wollen thun / wie jr gesagt / vnd aus-
ziehen / vnd vns wenden auff das Ge-
birge Ephraim / zu dem hause Micha /
Höre mein Gesel / könnest du nicht die
stim des Leuiten? Lieber wir wollen
ihn ansprechen / Wer hat dich hieher
bracht? was machest du da? vnd was ha-
st du hie? Leuit. So vnd so hat Micha /
bey dem jr die nacht blieben seidt / an
mir gethan / vnd hat mich gedinget /
das ich sein Priester sey. Gesante.
Lieber frage Gott / das wir erfahren /

ob vnser weg/ den wir wandeln / auch
wol geratten werde. Leuit. Ziehet
hin mit frieden / ewer weg ist recht für
dem HErrn / den ihr zieht. Ges
sandte. Wir sind nu komen gen Laïs/
vnd sehen / das dis volck wonet / auff
die weise / wie die Zidonier stille vnd
sicher/vnd ist niemand/der in leid thut
im Lande/oder HErr vber sie sey/sind
dazu ferne von den Zidoniern / vnn
haben nichts mit Leuten zu thun/ Las
set vns wider keren / vnd solchs vnsern
Brüdern vermelden. Daniter. Wie
stehet es zu im Lande? Gesandte.
Ruff/ last vns zu inen hinauff ziehen/
denn wir haben das Land besehen/das
ist fast gut/darumb eilet vnd seid nicht
faul zu ziehen/ das jr das Land einnee
met/ denn jr kommet zu einem sichern
volck/ vnd das Land ist weit vnd breit/
Gott hats in ewre hende gegeben/ Ei
nen solchen orth/da nichts gebricht/al
les das auff erden ist. Daniter. So
rüste sich sechs hundert Man/mit iren
Waffen zum streit/ vñ ziehet hinauff/
vnd

vnd lagert euch zu Kiriath Yearim/
vnd von dannen ziehet auff das Ges-
birge Ephraim / zum hause Micha.
Gesandte. Lieben Brüder / wisset ihr
auch / das in diesen Heusern ein Leibo-
rock / Heiligthumb / Bildnis vnd Ab-
gott sind? Nu müget jr dencken / was
euch zu thun ist. Daniter. Lieber / so
wollen vnser ein theil hie einkeren /
vnd zu dem Leuiten in Micha Haus
eingehen / vnd ihn freundlich grüssen /
jr aber stehet gerüst mit ewrem Har-
nisch / für dem Thor. Gesandte. So
wollen wir hinauff gehen / vnd das
Bilde / den Leibrock / das Heiligthumb
vnd Abgott nemen / weil der Leuit bey
euch draussen für dem thor steht. Leuit.
Was machet jr da / das jr vnser Gots-
teshaus beraubet. Gesandte. Schwei-
ge vnd halt das Maul zu / vñ zeuch mit
vns / das du vnser Vater vnd Priester
seiest / Ist dirs besser / das du in das ei-
nigen Mannes haus Priester bist /
oder in einem ganzen stamm vnd ge-
schlecht in Israel. Leuit. Ja es ge-
felt

felt mir wol// so nemet dis immer hin/
ich gehe mit euch. Daniter. Ziehet
hin mit den Kindlein / mit dem Bihel
vnd was ir köstlichs habet / wir wollen
hernach kommen. Micha. O liebe
Nachbarn / laßt vns den Kindern Dan
nach schreien / die mein Gotteshaus
vnd Priester hinweg genommen.
Daniter. Was ist für ein geschrey
hinden vns nach / steht vnd höret / was
ist dir Micha / das du so ein geschrey
machst. Micha. Ir habt meine Göt-
ter genomen / die ich gemacht hatte /
vnd den Priester / vnd ziehet hin / vnd
was hab ich nu mehr? vnd ir fraget
noch / was mir fehle. Daniter. Laß
deine Stimme nicht hören bey vns/
das nicht auff dich stossen zornige Leu-
te / vnd deine Seele vnd deines Haus-
ses seele / auffgereumet werde / vnd laß
vns vnseres weges ziehen. Micha Ach
sie sind mir zu starck / ich mus wider
umbkeren / zu meinem Hause. Da-
niter. Ist da zu Laiz das sichere volck/
Laßt vns eilen / vnd sie mit der scherffe
des

des Schwerdts schlagen / vnnnd die
Stadt mit feuer verbrennen. Bes
sandte. Ist es nicht wie wir gesagt ha
ben? Daniter. Ja / wir wollen nu
hieber eine newe Stadt bawen / vnd
die nicht wie vorhin Laïs / sondern
Dan nennen / Auch lasset vns dis Bild
de für vns auffrichten / vnd Jonathan /
den Son Gerson / den Son Manasse
/ vnd seine Söne zu Priester ma
chen / vnter den stam der Daniter.

Das XVII. Gespräch / aus dem 19. Capittel.

Inhalt.

Diese Historia sol vns ein
sondere warnung vnnnd vera
manung sein / das wir Gott
fürchten / vnd fleissig beten / Für vns
nicht in versuchung / deñ wo das nicht
geschicht / vnd Gott nicht behüt vnd
helt /

helt/ist es bald vmb vns geschehen/ das
wir in schand vnnnd laster fallen/ wie
denn hie an den Gibeonitern zu sehen/
welche den Leuiten nicht allein nicht
beherbergen wollen/ sondern ihm vnd
seinem Weibe/ alle schande vnd laster
anlegen.

Leuit. Knabe. Gibeoniter. Weib.
Vater. Alter Man.

Leuit. Es ist jetzt kein König inn
Israel/ vnd bin ein Frembdling am
gebirge Ephraim/ vnd habe ein Keks-
weib von Bethlehem Juda/ welche
von mir gelauffen/ vnd vier Monden
bey mir nicht gewesen/ ich wil mich
auffmachen/ vnd ihr nachziehen/ das
ich freundlich mit ihr rede/ Wolauff
Knabe/ schicke die zween Esel zu.
Weib. Sihe/wo kommet jr her/ gehet
erein in meines Vaters Haus/ denn
des wird mein Vater fro sein/ vnnnd
schon empfahen. Vater. Ach mein
Son/lieber bleibe bey mir ein tag oder
drey/

drey / das wir frölich essen vnnnd trin-
cken. Leuit. Es ist nu mein Vater
der vierde tag / vnd habe deinen willen
gethan / vnd ist zeit / das ich mich früe
auffmache vnd forth ziehe. Vater.
Labe dein Herz vor mit ein bißem
Brods/darnach solt jr ziehen. Leuit.
So wollen wir vns beide setzen / vnd
mit einnander essen vnnnd trincken.
Vater. Ach lieber bleib noch vber
nacht / vnd las dein Herz guter ding
sein. Leuit. Ach nötige mich nicht
vber nacht zu bleiben / denn es ist nu
der fünffte tag / vnnnd ist zeit / das ich
mich auffmache. Vater. Lieber labe
dein Herz / vnd las vns vorziehen / bis
sich der tag neiget. Leuit. Wolan/
ich habe mich aber halten lassen / Nu
liebes Weib / vnd du Knabe / laß vns
auff sein / das wir ziehen. Vater.
Sihe / der tag lest abe / vnd wil abend
werden/bleibe vber nacht/vnd las dein
Herz guter ding sein / so ist auch hie
Herberge/ nur noch diesen tag / mor-
gen steht jr früe auff/ vnd ziehet ewres
weges

weges zu deiner Hütten. Leuit. Nein/
ich bleibe nicht lenger / sondern mus
fort / Sihe liebes Weib / wir sind nu
hie mit vnsern bar Eseln wol beladen
für Zebus/das ist/ Jerusalem komen/
vnnnd der tag ist fast dahin gefallen.
Knabe. Lieber Herr / last vns inn der
Stadt der Zebusiter einkeren / vnnnd
vber nacht drinnen bleiben. Leuit.
Wir wollen nicht inn der frembden
Stadt einkeren/die nicht sind von den
Kindern Israel / sondern gehet forth/
wir wollen hinüber gen Gibeon / vnnnd
da vber nacht bleiben. Knabe. Es ist
aber nu nacht. Leuit. Last vns hier
nider setzen inn der Gassen / weil nie
mand ist / der vns im Hause die nacht
Herbergen wil / Aber sihe / da kompt
ein alter Man/von seiner arbeit/vom
Felde / vielleicht wird er das beste bey
vns thun. Alter Man. Ich sehe einen
Gast auff der Gassen/sich mus in zwar
ansprechen/wo wiltu hin? vnd wo kom
stu her? Leuit. Wir reisen von Bethle
hem Juda/ bis wir komen an die seittē
des

des Gebirges Ephraim / daher ich bin /
vnd bin gen Bethlehem Juda gezogen /
vnd ziehe ist zum hause des H^{er}ren /
vnd niemand wil mich Herbergen /
wir haben Stro vnd Futter vor
vnsrer Esel / vnd Brodt vnd Wein für
mich vnd deine Magd / vnd für den
Knaben / der mit deinem Knecht ist /
das vns nichts gebricht. Alter Man.
Friede sey mit dir / alles was dir man-
gelt / findestu bey mir / bleibe nur nicht
auff der Gassen / vnd kompt inn mein
Haus / da gebt den Eseln futter / was-
schet ewre Füße / esset vnd trincket.
Leuit. Hab danck / nu wollen wir fro-
lich sein. Gibeoniter. Höret / Was ist
in dem Hause für freude / last vns das
Haus vmbgeben / vnd anpochen / Höre
Hauswird / bringe den Man eraus /
der in dein Haus komen ist / das wir ihn
erkennen. Alter Man. Nicht meis-
ne Brüder / thut nicht so vbel / nach-
dem dieser Man in mein Haus kom-
men ist / thut nicht ein solche thorheit /
Sihe / Ich habe eine Tochter / noch
eine

eine Jungfraw / vnd dieser ein Kebs-
weib / die wil ich euch eraus bringen/
die möcht jr zu schanden machen / vnd
thut mit jnen was euch gefellet / aber
an diesem Man / thut nicht so ein thora-
heit. Gibeoniter. Was sagstu / wir
wollen den Man haben. Leuit. So
las vns hinaus gehn / sehet / hie kom
ich vnd mein Kebsweib. Gibeoniter.
Ja recht / die wollen wir erkennen/
vnd mit jr zu erbeitē die ganze nacht/
bis an den morgen / gehe du hin / nu die
Morgenröte anbricht / so laß das weib
gehen. Weib. Ach ich armes Weib /
ich gehe hin / für die thür des Hauses/
darin mein Herr ist / vnd wil da ligen/
bis es morgen wird. Leuit. Es ist nu
morgen / vnd zeit das ich auff bin / Geo-
segnet sey mein Wirdt / sihe / was / ligt
nicht mein Kebsweib für der Thür /
vnd ihre Hende auff der Schwelle /
Auff / vnd las vns ziehen / antwortest
nicht / hilff mir Knabe / das wir das
Weib auff den Esel heben / vnd mit
anheim führen. Knabe. Wir sind nu
anheim

anheim kommen / vnnnd der fahr los.
Leuit. Gib her ein Messer / das ich
mein Lebsweib fasse / vnd stücke sie mit
bein vnd mit alle / in zwölff stück / das
ich sie sende / inn alle grenke Israhel.
Knabe. Wer das sehen wirdt / wird sa-
gen / Solchs ist nicht geschehen noch
gesehen / sind der zeit / die Kinder Iso-
rahel aus Egypten gezogen sind / bis
auff diesen tag. Leuit. Ja / nu bedenck
sich Israhel vber dem / vnd geb rath vnd
sage an.

Das XVIII. Gespräch / aus dem 20. Capittel.

Inhalt.

DAS Hurerey vnnnd vn-
zucht auch der Sünden eine
sey / welche Gott mit verwü-
stung Land vnnnd Leute straffen wil /
zeigt diese Historia klerlich an / denn
wie

wie wol Gott den bösen Gibeonitern
lange zusiehet / ja ob sie auch von den
Ben Jamitern beschützt / vnd zwey
mal oblige wider die andern eilff stema
me / so kömmet er doch endlich mit der
straff / vnd schlegt desto herter zu
denn weil die Gibeoniter solche grewa
liche vnzucht begangen / vnd die Beno
Jamiter verteidigen / werden sie also
jemmerlich vnd hart gestrafft / das alle
Stedte in Ben Jamin verhehret / vnd
der ganze stam fast ausgerottet ward /
darumb weltliche Obrigkeit schuldig
vnzucht vnd schande zu straffen / wo
nicht / so wird Gott selbst die Hurer
vnd Ehebrecher richten. Ebre. 17.

Israel. Ben Jamiter. Gott. Leuit.

Israel. Was ist das für ein vbell /
das diesen Leuten begegnet / Auff von
Dan bis gen Bersaba / auch alle Vo
bersten des ganzen volcks aller stema
me Israel / damit vnser vier tausent
Mans

Man/hinauff ziehe gen Mizpa/ zum
HErrn. Ben Jamiter. Was ist/
das die Kinder Israel zu vns crauff
kommen sind gen Mizpa. Israel.
Sagt/ wie ist das vbel zugegangen?
Leuit. Ich kam gen Gibeā in Ben Jas
min/ mit meinem Keksweibe/ vber
nacht zu bleiben/ da machten sich wi
der mich auff die Bürger zu Gibeā/
vnn̄d vmbgaben mich im Haus des
nachts/ vnd gedachten mich zu erwür
gen/ vnn̄d haben mein Keksweib ge
schendet/ das sie gestorben ist/ da fasset
ich mein Keksweib/ vnd zu stücket sie/
vnd sandt es in alle Feldt des erbes
Israel/denn sie haben einen Meutwils
ten vnd thorheit gethan/ inn Israel.
Sihe/ da seid ir Kinder Israel alle/
schaffet euch rath vnn̄d thut hie zu.
Israel. So mache sich auff alles volck
wie ein Man/ vnd niemand sol in sei
ne Hütten gehen/ noch in sein Haus
feren/ sondern last vns dis thun wider
Gibeā/ Last vns lassen/ vnd nemen zeh
hen Man von hundert/ vnd hundert

von tausent / vnd tausent von zehen
tausent / aus allen stemmen Jsrael / das
sie Speise nemen für das volck / das sie
komen / vnd thun mit Gibeon Ben Ja-
min / nach alle ire thorheit / die sie inn
Jsrael gethan haben / vnd aus jedem
stam einer / gehet zu allen geschlechtern
Ben Jamin / vñ sagt inen / was ist das
für eine Bosheit / die bey euch gesche-
hen ist ? So gebt nu her die Männer /
die bösen Buben zu Gibeon / das wir sie
tödtet / vnd das vbel aus Jsrael thun.
Ben Jamiter. Was sollen wir thun /
wir können euch darin / wiewol jr vn-
ser Brüder seid / nicht gehorchen / son-
dern sagt / das wir vns versamlen vnd
ausziehen wollen / in den streit / wider
die Kinder Jsrael / Nu auff Ben Ja-
min / aus allen Stedten / das wir
sechs vnd zwanzig tausent Man zu
wegen bringen / vnd aus Gibeon sollen
sieben hundert auserlesen Man geze-
let werden / vnd aus allem volck sollen
sieben hundert Man auserlesen wer-
den / die linck sein / vnd mit der Schlen-
der

der ein Har treffen können / das sie
nicht feilen. Israel. So laß vns nu/
wie wir vier hundert tausent Man ge/
rüst / alle hinauff ziehen / zum Hause
Gottes/vnd Gott fragen / wer da soll
für vns hinauff ziehen / den streit an/
zufahen / mit den Kindern Ben Jaa/
min. Gott. Juda soll anfahen. Iso/
rael. So schicket euch zu streitten/ wie
der Gibeä. Ben Jamin. Lasset vns
aus Gibeä hinaus fallen / das wir Is/
rael schlagen. Israel. Sehet / was
vns Ben Jamin gethan/ vnd des tags
zwey vnd zwanzig tausent aus Israel
zu boden geschlagen / Ermanet vnnd
rüstet euch weiter zu streitten / an dies/
sen orth/ wie jr euch des vorigen tages
gerüstet habt/ vnd laß vns wieder hino/
auff ziehen/für den HErrn/ vnd wei/
nen bis an den abendt/vnd fragen den
HErrn / Sollen wir mehr nahen zu
streitten / mit den Kindern Ben Jaa/
min vnsern Brüdern. Gott. Ziehet
hinauff zu ihnen. Israel. So lasset
vns an die Kinder Ben Jamin ma/
chen.

then. Ben Jamin. Last vns den Kindern Israel entgegen fallen / aus Gibeon. Israel. Ach / Israel ist aber geschlagen / vnd achzen tausent Man zu boden gangen / Lasset vns wider zum Hause Gottes keren / vnnnd für dem HErrn weinen / vnd daselbst bleiben / den tag fasten bis zu abendt / vnd dem HErrn opffern Brandopffer / vnnnd Danckopffer / vnd fragen neben dem Priester Pinaha / ob wir mehr ausziehen sollen zu streitten / mit den Kindern Ben Jamin vnsern Brüdern / oder ob Israel soll ablassen. Gott. Ziehet hinauff / morgen wil ich sie in ewre hende geben. Israel. So lasset vns einen hinderhalt machen / auff Gibeon umbher / vnd des dritten tags hinauff ziehen / vnd wider Gibeon rüsten wie vor zwey mals. Ben Jamin. Last vns dem Volck entgegen fallen / vnd inen aus der Stadt nach eilen / auff zwey strassen / das wir sie schlagen vnd verwunden / wie vorhin. Israel. Lasset vns fliehen / das wir sie von der Stadt

Stad reissen auff die strassen / vnd der
hinderhalt falle erfür / aus seinem ort /
damit Ben Jamin das vnglück tresse
das sie nicht wissen / Ach / der HErr
hat Ben Jamin geschlagen / für den
Kindern Israel / denn auff diesen tag
hat Israel verderbet / fünff vnd zwanz
zig tausent Man in Ben Jamin / die
alle das Schwerdt führten. Venn
Jamin. Ach wir sind geschlagen / vnd
sihe / vnser Stadt geht ganz auff gen
Himmel. Israel. Jaget den Ben Jas
mitern nach / zur Wüstung zu / vnd
verderbet / was zu inen in die Stede
komen ist / vnd was ir findet / beide
Menschen vnd Vihe / das schlägt mit
der scherffe des Schwerdts / vnd alle
ire Stedte verbrennt mit Feuer.

Das XIX. Gespräch / aus dem 21. Capittel.

Inhalt.

M iij

38

Est gar eine schöne Historia/daraus man diese Lehre nehmen sol/Wie sich Benachbarte vnd Freunde gegen einander / so etwa einer wider dē andern gesündigtet / vorhalten sollen / Nemlich / das man sich versinen lasse / wider zu gnaden anneme / vnd des vorigen zorns oder schadens nicht gedencke / denn es soll mit dem zorn vnd der straffe ein masse haben / wie denn die Israeliter / ihren Brüdern den Ben Jamitern thun/die nemen sie zu gnaden an / sehen sie wie in das ire ein / vnd rathen vnd helfen ihnen.

Israel. Ben Zamin. Kriegsleute.

Israel. Wir haben geschworen eintrechtiglich/ das niemand soll seine Tochter den Ben Jamitern zum weibe geben / Aber **O** **H** **E**rrre Gott/ wir stehen für dir weinende / warumb ist das geschehen in Israel / das heute eines

nes Stammes von Israel weniger
worden ist? Lasset vns frue auff sein/
vnd dem HErrn einen Altar bawen/
vnd Brandopffer vnd Danckopffer
thun / Auch weil wir dem HErrn ein
Eid geschworen/das wir nicht hinauff
kommen gen Mizpa / der soll des todes
sterben/ so laß vns sehen / ob irgends
jemand ist von den stemmen Israel/ der
nicht mit der gemeine ist erauff kom
men zum HErrn / Ach es reuet vns
sich vber Ben Jamin vnsern Bruder/
denn es ist heute ein stam von Israel
abgebrochen / wie wollen wir thun/
das die vbrigen Weiber kriegen/denn
wir haben geschwore/bey dem Herrn/
das wir ihnen von vnsern Töchtern
nicht Weiber geben wollen / weil wir
nu auch das Volck gezelen haben / so
findet sichs/ das kein Bürger von Ja
bes zu Gilead da ist/ So rüsten sich nu
zwölff tausent Man / vnd gehet hin/
vnd schlaget mit der scherffe des
Schwerdts / die Bürger zu Jabes in
Gilead / mit Weib vnd Kind / doch

M v sollt

Solt jr also thun / alles was menlich ist /
vnd alle Weiber / die beim Man ge-
legen sind / verbannet. Kriegsleute.
Was ihr gesagt / wollen wir thun.
Israel. Wir wollen hin senden zu den
Kindern Ben Jamin / die im fels Rim-
mon sein / vnd inen freundlich ruffen
lassent. Ben Jamin. Wir kommen
O Israel. Israel. Es rewet vns
vber Ben Jamin / das der HErr eine
riss gemacht hat / in den stemmen Iso-
rael / vnd weil wir dem HErrn ge-
schworen / euch vnser Töchter nicht
zu geben / Sihe / so sind zu Gabes inn
Gilead / bey den Bürgern / vier huns-
dert dirnen die Jungfrawen / vnd bey
seinem Man gelegen / gefunden / zu
vns bracht / die solt jr nemen. Ben
Jamin. Ja / weil aber vnser Weiber
alle vertilget / so sind der Dirnen zu
wenig. Israel. Die vbrigen von
Ben Jamin / müssen ja jr Erbe behal-
ten / das nicht ein stamm ausgetilget
werde von Israel / so thut jm also / Es
ist ein Jarfest des HErrn zu Silodo /
gehet

gehet hin/vnd lauret in den Weinber-
gen/wenn jr den sehet/das die Töchter
Silo eraus mit Reigen zum tanz ge-
hen/so fahret erfür aus den Weinber-
gen/vñ nem ein jeglicher jm ein weib/
von den Töchtern Silo/vnnd gehet
hin/ins land Ben Jamin. Ben Jaa-
min. Ja/wenn aber ire Väter vnnd
Brüder kómen. Israel. Komen sie/
das sie mit vns rechten/wollen wir zu
inen sagen/Seid inen gnedig/denn
wir haben sie nicht genomē mit streit/
sondern jr wolt sie inen nicht geben/
die schuldt ist ewer. Ben Jamin. Wir
wollen also thun/vnd vns Weiber ne-
men nach vnser zall/von den Reigen/
die wir rauben/vnd wollen hin ziehen
in vnser Erbtheil/Stedte bawen vnd
drinnen wohnen. Israel. Ja/so wol-
len wir vns auch von dannen mach-
en/ein jeglicher zu seinem Stam/
Geschlecht vnd Erbtheil/Weil aber
zu dieser zeit kein König in Israel/so
thu ein jeglicher/was in recht deucht.

Ende des Buchs der Richter.

Hieraus

Daraus lerne frommer
Christ/ die Schönen Exempel/
die dir zum Fürbilde geschrie-
ben sind/ wie du Gott fürchten / vnnnd
für sünden dich hüten solt / wiltu an-
ders Göttlicher straffe entgehen/ Das
gegen aber du / der in sünde gerathen/
lerne / wie du dich daraus wickeln/
Gottes gnad vnnnd Barmherzigkeit
bekommen magst / welchs geschicht /
durch ware Buß vnnnd bekerung zu
Gott / Dahin wolte der gnedige Gott
im Himmel / vnser herken vmb seines
lieben Sons/vnsers einigen Mittlers
vnd gnaden throns willen / durch den
heiligen Geist / richten vnnnd lencken/
damit wir durch ware Buß vnd bes-
serung vnser lebens/der grossen
straffe/ die wir mit vielfelti-
gen sünden verdienet/
entfliehen mügen/
A M E N.



Gedruckt zu

Leipzig / durch Jac
cobum Berwaldt.



M. D. LXIII.